

四庫全書

子部

欽定四庫全書

子部

御定淵鑑類函卷一百六十五

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣高中

謄錄監生臣薛炳文

欽定四庫全書

御定淵鑑類函卷一百六十五

禮儀部十二

郊天

郊天三

原黃郊

後漢書靈帝建寧二年迎氣黃郊

黑時

詳郊天一

魯郊

詳郊天二

雍時

漢書祭五帝於雍時在山上四望不見四方故曰雍時

南郊

詳郊天二

北時

詳郊天一

朱火

紫煙

並見晉郊祀歌

蒼壁

春官大宗伯以蒼壁禮天

增

駢牲

地官牧人陽祀用駢牲牲毛之注陽祀祭天

紫壇

漢舊儀祭天紫壇幄帷

紺幄

隋音樂志紫壇雲轡紺幄霞褰

天庫

明太祖實錄大祀殿後為庫六楹以貯神御之物名曰天庫皆

覆以黃琉璃瓦

雲臺

東觀漢記漢光武時有司議堯之後還復于漢宜修奉城陽縣堯冢雲臺致敬

青門

通考後魏道武帝祀天於西郊祭之日帝御大駕至郊所立青門內

黃道

通考英宗

合祭天地於南郊攝太僕呂公著上言仁宗親祠撤黃道以登虛小次不入上皆循用之

拜覬

漢書

武帝紀詔曰巡祭后土以祈豐年望見太一修天文壇辛卯夜若景光十有二明朕甚念年歲未登飭躬齋戒

丁酉拜覬于郊

蒙嘉

宣帝紀十二年詔曰蓋聞天子親祀天地古今通禮也間者上帝祠闕而不親

朕親飭躬齋戒親奉祝為百姓蒙嘉氣

金軒

晉郭璞南郊賦升金軒撫天僕揚六鑒齊八驥

玉器

史記褚先生云神爵二年上郊雍五時後祠出寶辟玉器

祝嘏

禮運天子祭天地祝嘏莫

敢易其常

報功

文選張衡賦祀天郊報地功

原孟冬

司馬相如封禪書濯濯之麟遊

彼靈時孟冬十月君徂郊祀馳我君車帝以享祉

啓蟄

左傳夫郊祀后稷以祈農事是故啟蟄而

郊郊而後耕今既耕而卜郊宜其三卜不從也

增事帝

書立政亦越文王武王以敬事上帝

并神

荀卿禮論郊者并百神于天而祀之也

配天

孝經聖治章周公郊祀后稷以配天

迎日

詳郊天二

工歌

唐志貞元中太常禮院考次歷代郊廟工歌之序

物備

見神

祇大功注

茅營

竹宮

後漢祭祀志注元始儀上帝壇圓八觚徑六丈高九尺茅營去壇十

步竹宮徑三百步土宮徑五百步

原保萬壽

懋百福

並見傳玄饗神歌

增見黃龍

詳郊天一

獲白麟

詳郊天一

見五時

見郊天一

賓八

鄉

見漢郊祀歌

翔紫煙

盧思道詩風中翔紫煙壇上埋苞玉

燭靈光

元始郊祀

樂歌熙事備成禮文郁郁紫煙聿升靈光下燭

原乘素車

郊特牲乘素車貴其質也鄭注云素

車殷輅也

張璠案

周禮掌次王大旅上帝則張璠案設皇邸鄭注云張璠案以璠為牀于幄中

增神光集

漢書武帝太始四年幸甘泉郊泰時神光降集紫殿

精氣感

晉郊祀志

郊天饗神歌精氣感皇神賓

見羣鶴

長編武帝後元元年詔見羣鶴留止獻薦于泰時

用特牲

禮記郊特牲注郊者祭天之名用一半故曰特牲

陰陽順

郊特牲注五帝主五

行五行之氣和而庶徵得其序也疏陰陽順序風雨應節

風雨節

見郊祀二

玉帛載

升

隋樂志玉帛載升棧模斯燎

邊豆有數

唐志祀昊天上帝于圜丘金罍玉幣邊豆盞盞

皆有數

屏去葦茹

宋史真宗祥符二年上曰太祖太宗每奉郊祀皆屏去葦茹朕三祀圜丘

並遵行之顧外庭不知耳

更制藁秸

宋史仁宗慶歷十年太常言郊廟宜更制藁秸為籍縮酒

用茅 乾端澄霽

長編哲宗元符元年南郊制乾端澄霽冬序晏溫

雲物晏溫

長編元祐七年冬至合祭天地于圜丘是日五鼓輦詣壇外壝不設裊褥稽首跪奠致誠極恭夜月澄爽雲物溫要 燔燎泰壇 長編英宗治平二年教燔燎泰壇之地裸薦清廟之庭 樂舞圜

丘 詳郊天一

貴誠尚質

郊祀志其牲用犢其席藁藉其器陶匏貴誠尚質不敢修其文也

致敬播惠

太平御覽郭璞疏曰郊祀者以通天人之誠感因農祥而祈事上以致敬于皇靈下

以播惠于氓黎者也

帝王重事

晉武帝紀郊祀天地帝王重事

神祇大功

前漢

志匡衡以為神祇功德至大雖備
庶物不足以報大功惟至誠為可

星斗垂光

吳升郊祀詩星

斗垂光

霜露凝感

謝莊郊祀詩
霜露凝宸感

萬方和氣

錢錕郊祀詩列

燭紫壇

聖公規修盛典萬
方和氣助升煙

四海懽心

吳升詩欲識懽心從四
海鈞天一曲引回鑒

龍常玉輶

謝莊詩舞風泛龍
常輪霞浮玉輶

鸞旗翠蓋

楊雄甘泉賦流星旄

以電燭兮咸
翠蓋而鸞旗

龍駕鳳笙

陳弘詩五岳移龍
駕十州迴鳳笙

玉輅華

芝

明王梅恭祀圓丘賦爾乃振玉輅之殷
麟翳華芝之飄搖金貂翼翰錦校扶輶

淑氣光風

梁傳昭詩淑氣符
首節光風臨上年

祥飈慶雲

見郊祀
天二

黃麾朱節

盧思道詩

黃麾引朱節
靈鼓應華鐘

瑤壇琳觀

明何景明郊觀詩瑤壇
上星斗琳觀俯虛無

神

光相燭

盧思道詩神歌已相續神光復相燭

肝蠶斯通

元郊祀樂歌崇崇泰時穆穆昊

穹神之格思

黑黃蒼赤

月令季夏之月命婦官染采黼黻文章必以法故無或差

肝蠶斯通

貨黑黃蒼赤莫不質良毋敢

肝肺首心

祭義薦黍稷羞肝肺首心

詐偽以給郊廟祭祀之服

本建隆章

長編哲宗元祐七年南郊制念嘗兩饗乎穹昊未始

間以俠甌加以鬱鬯以報魄也

祗事乎皇祇是用推本建隆之舊章復奉熙寧之故實執鬯以裸太室奠玉以合兩儀嚴烈祖以配天治百神

而承

依元祐例

長編元祐八年詔今後南郊合祭天地位依元祐七年例罷禮部集議是年

十一月冬至合

紫壇勿飾

白帖漢匡衡議紫壇享帝之義尚誠貴質其紫殿飾

祭天地于圓丘

女樂鸞輅駢騎龍馬

黃褥罷供

詳郊天二

練時日就陽

石壇之屬宜皆勿修

位

杜甫南郊賦今茲練時日就陽位之美又所以享祖考通神明而已

因吉土迎長日

唐令狐楚南郊賀表因吉土迎長日咸池屢奏太簇登歌萬靈識周旋之位百神知饗獻之節

郊天四

原主日

詳郊天二

承天

禮含文嘉曰五祀南郊北郊東郊西郊中兆正謀五者天子公卿伯

子男卿大夫士所以承天也北堂書鈔兆者作封畔兆域也謀者方欲迎氣齋戒自端正謀慮其事也

上辛

公羊傳九月辛丑用郊用者何用者不宜用也九月非所用郊也然則郊曷用郊用正月上辛或曰

用然後郊

上丁

續漢書禮儀志正月上丁祠南郊

增長日

卯月

禮郊特牲

郊之祭也迎長日之至也注三王之郊一用夏正夏正建寅之月也此言迎長日者建卯而晝夜分分而日長

也

原貴誠

郊特牲用
憤貴誠也

貴氣

郊特牲至敬不饗
味而貴氣臭也

增

正陽

漢郊祀志成帝時右將軍王商等以為長安聖王之居皇天所觀視也甘泉之祠宜徙就長安正陽

之處

近陽

梁簡文帝南郊頌配
天道尊近陽義重

肅虎貴

王褒詩森
沈羽騎肅

穆虎

振華鑣

韓愈和相公攝事南郊詩
上宰嚴祀事清塗振華鑣

原通天義

郭璞上疏云郊祀者
以通夫天之義也

明天道

郊特牲云郊所以明天道也

以正

月

白虎通郊以
正月上辛日

用夏正

白虎通五帝三王祭天
夏正何天地交萬物通始終

之正故易乾鑿度云
三王郊祀用夏正也

王被袞

郊特牲王被袞以象天
鄭注云謂有日月星辰

之章

御憚幘

顧弘集至尊親郊當御憚幘袞服
愚謂郊祀當被法服不宜別施也

增

正火德

光武本紀建武二年立郊兆于城南始正火德

因火數

漢郊祀志立夏之日迎夏

于南郊祭赤帝祝融章旂服色皆赤注云郊去邑七里因火數也

歲二郊

隋禮儀志梁天監三

年左丞吳操之啟稱傳云啟蟄而郊應立春之後尚書左丞何佟之議今之郊祭是報昔歲之功而祈今年之福故取歲首上辛不拘立春之先後帝曰圓丘自是祭天光農即是祈穀祭天宜在冬至祈穀必須啟蟄在一郊壇分為二祭

歲一郊

北齊書其南郊歲一郊

原供金版

周禮旅上帝供金版

增用陶匏

見郊天二

司陽事

柳宗元迎長日賦是知迎長日之儀實王心之所共

兆南郊之位乃司陽之所事

降天神

傳休奕正都賦爾乃太簇為徵圓鍾為宮吹孤竹而拊雲

和修軒轅之遺風類于圓丘六變既終則天神斯降可得而禮矣

國七里

隋禮儀志後周圓丘

在國南

七里

壇三垓

漢郊祀志壇三垓五帝壇環居其下各如其方

主王者

漢書

郊祀志天地以王者為主

令祠官

漢高帝本紀二年六月漢王還洛陽令祠官祭天地

原

設祀而敬

袁子正論天地者帝王所受設祀而敬之

緣父以祭

白虎通王者所以祭

天何緣祀父以祭天也

紫壇幄帷

詳紫壇條下

圓壇八陛

漢祭祀志光武

初制郊兆於雒陽城南十里為圓壇八陛營北郊雒陽城四里為方壇四陛

作樂降神

白虎

通祭天作樂者為降神也

燔柴升中

禮器因名山升中于天鄭注方岳燔柴祭天告以諸侯之

成功也

卜郊免牲

左傳僖公四卜郊不從乃免牲非禮也

南郊暴雨

謝承

後漢書丹陽方儲聰明善天文為洛陽令章帝欲出南郊諸上言當有疾風暴雨乘輿不可以出上疑其妄儲

飲酖而死果有大
風暴雨洛陽晝暝

增太后謝貺

白帖武則天臨朝武承嗣偽款洛水石遣

雍人唐同泰獻之后號為
寶圖太后乃郊上帝謝貺

皇后亞獻

文獻通考唐景龍三年天子將

郊以皇后

陟配烈祖

宋史神宗元豐六年上郊祀制奉壘以款負宇裸皂以享宗祫

為亞獻

齋戒乎端誠之宮清齊乎禮

對侑昊穹

宋史徽宗大觀四年南郊

神之園陟配烈祖對侑昊穹

改元制推配烈祖對侑昊

尺二寸圭

春官典瑞四圭有邸以祀天旅

穹表德純犧薦誠蒼玉

上帝疏云圭各尺

十有二旒

郊特牲旒十有二旒

原天神饗

德禮鬼神

百神受職

見郊天二

增不侈郊禮

通考紹興十三年進

呈郊禮宿齋法如望祭青城幕次事上曰止是一宿不
必枉費所有宿齋處望祭殿只隨宜絞縛用蘆席青布

之類不
得侈大

乃移郊兆

宋書禮志宋武大明三年尚書右丞徐緩議宜郊正午以定天位乃

移郊兆于秣陵牛頭山
西正在宮之午地也

委貺紛綸

吳升詩紛綸委貺知旁達滲漉流思

亦下
蟠

竭誠昭布

唐天寶十載南郊赦內制獻歲初吉乘時布和展禮崇禋竭誠昭布

角獸至郊

封禪書郊雍獲一角獸若麟然

天馬出水

漢武帝本紀太始二年詔曰佳

者朕郊見上帝
渥洼水出天馬

騂牲黝牲

詳郊
天二

陽化陰化

隋書隋圓丘在

國南七里每歲夏至祀地祇南郊舞奏黃鍾
取陽始化也北郊舞奏林鍾取陰始化也

四圭兩

圭

詳郊
天二

子月寅月

疏郊之祭迎長日之至者謂郊祭于建子之月也一用建寅月

七政永崇

梁簡文帝南郊頌六戎列野八鑾昭日駕殿星羅重宮露出康哉德盛美矣時豐三辰增

耀七政
永崇

五郊迎氣

見郊天一

以人帝配

以祖宗配

長編

仁宗皇祐二年明堂合祭
奉太祖太宗真宗並配

天惟一神

長編皇祐二年孫奭言天惟一

神以其至尊故有多名亦猶人
君稱王皇后辟天王天子皇帝

帝各一神

長編天帝之神迭主

五時故聖人制禮謂之
五帝非五帝各一神也

德澤恩光

唐觀南郊詩傳警千門寂南郊殊仗

回但驚龍再見誰識日雙開德澤施雲雨
恩光變爐灰閱兵貔虎振聽樂鳳凰來

祥輝嘉氣

王珪郊祀慶成詩孝須三后配禮重一郊尊翠羽來千
仗鳴鏡下九門服維周冕威樂自舞韶溫未酌章靈安

先祠萬玉拜黃流疑夕課紫釵亘宵燭星拱低
宸樞雲迴護帝轅祥輝新日月嘉氣浹乾坤

高山

之下
小山之上

封禪書天好陰祠之必于高山之下小山之上命曰時

致饗

穹祗

長編徽宗建中靖國元年南郊改元崇寧制將藏事于皇祗先致享于穹昊裸清廟以肅將款園壇

而拜享蒼璧既奠紫壇斯涖乾象粹精虛心嘉嚮和氣洋溢景光陸離

合祭天地

系年錄高

宗紹興十三年初謁景靈宮合祭天地建金雞肆赦

原殷薦於上帝

易

肆類

於上帝

書

增見天人之交

柳宗元迎長日賦惟享帝以祀天必推筴而迎日寅

方肇建侯啟蟄以展儀卯位將初爰用牲而叶吉故可以知上下之際見天人之交

尊祖考之

義

詳郊天二

竹宮歌苾祀

歐陽修詩盛禮郊儀肅純音帝樂清歲蕤飄翠羽赫變展華旌

鳳邸光交覆鸞旗色共明續紛拂葩蓋輝映雜綏纓且異文千飾非同羽舞名竹宮歌苾祀雅曲播遺聲

吉土兆精禋

歐陽修南郊詩太宮嚴大饗吉日兆精禋禮樂三王成梯航萬國賓恩霑羣動洽慶

與一陽新奉冊尊長樂均釐及
眾臣不須雲物瑞和氣協人神

鳳凰集役祠漢郊祀志上自

幸河東之明年

黃龍見新豐

漢郊祀志正月上辛甘泉郊泰時其夏黃龍見

新豐綴典儀如舊章

張薦傳貞元元年帝親郊時更兵亂儀物殘替用張薦為太常博士

恭綴典儀略如舊章

進禮圖閱故事

長編太祖乾德元年范質張昭劉溫叟進禮圖相與

討閱故事上嘉之其後遵用此制十一月甲子日南至合祭天地于圓丘

分造樂章參施

章祀

宋史景祐二年十一月乙未郊先是上親製郊廟樂章二十一曲財成頌體告于神明詔宰臣呂夷

簡等分造樂章參施章祀

作大祀文為九章歌

明太祖實錄洪武十二年己未春正

月十有一日合祭天地于大祀殿仍奉仁祖淳皇帝配禮成太祖悅因作大祀文為九章歌

獸盾

騰拏圓壇帖安

韓愈元和聖德詩乃以上辛於郊用牡除于國南鱗荀毛虞廬幕周施開揭嘉

可獸盾騰拏圓壇帖安

柴燄噓呵高靈下墮

韓愈元和聖德詩天兵四羅旗裳呵

娜駕龍十二魚魚雅雅宵升于丘奠璧獻竿衆樂競作轟虺融冶柴燄噓呵高靈下墮

原盛禮

備樂 增疊壁 編珠 凝影 流彩 奠玉 燔

柴 高壇 廣庭 精誠 薦洗 絳節 紫煙 律

應 福凝 一陽 五位 原報天之禮 埽地之敬

玄德升聞 皇天眷命 明德動天 至誠感神

天親克敬 神享至誠 增雲馭杳邈 天門洞開

漢時龍麟 周臺雲物 龍旂承祀 大輅親郊 候

屆黃鍾 禮成紫時 原用鹵栗之牲 陳陶匏之器

增肅清衛於勾陳 薦明禋於泰時 合百神而受

職 敘五福以錫民 得上郊之剛日 敬類帝之明

禋 祓紫壇而肆祀 奠蒼璧以陳儀 順昊天而成

命 得黎民之歡心 雲散而柴燔高達 風清而蕭

薌遠聞 叅文質于六經之中 酌損益于百代之後

捧玉瓚而一獻光靈來格 振金石而六變魄寶昭

臨 麟筆書雲始迓一陽之復 龍輿在御乃躬三歲
之祠 四圭有邸穆然祇肅之容 八陛為壇潔爾靜
嘉之薦 我其夙夜每懷昭事之心 通於神明獨全
錫類之孝 降年有永等皇祐明堂之詩 迎日之長
推有熊寶鼎之筴 天為蓋而地為輿爰講合祛之禮
祖有功而宗有德聿崇並祀之文 曰雨而雨曰暘
而暘與四時而協序 因天事天因地事地歷三載而
親祠

郊天五

增賦漢揚雄甘泉賦曰惟漢十世將郊上玄定泰時擁
神休尊明號同符三皇錄功五帝卹胤錫羨拓迹開統
於是乃命羣僚歷吉日協靈辰星陳而天行詔招搖與
太陰兮伏鉤陳使當兵屬堪輿以壁壘兮梢夔魑而扶
獠狂八神奔而警蹕兮振殷鞞而軍裝蚩尤之倫帶干
將而秉玉戚兮飛蒙茸而走陸梁齊總總以搏搏其相
膠輶兮焱駭雲迅奮以方攘駢羅列布鱗以雜沓兮傑

僊參差魚頤而鳥盱翕赫習霍霧集而蒙合兮半散照
爛燦以成章於是乘輿迺登夫鳳凰兮而翳華芝駟蒼
螭兮六素虯螭略綦綏離虻慘纒帥爾陰閉雲然陽開
騰清霄而軼浮景兮夫何旗旄郅偁之旖旎也流星旄
以電燭兮咸翠蓋而鸞旗屯萬騎於中營兮方玉車之
千乘聲駟隱以陸離兮輕先疾雷而馭遺風臨高衍之
崿嶷兮超紆譎之清澄登椽欒而壯天門兮馳闔闔而
入凌兢是時未臻夫甘泉也迺望通天之繹繹下陰潛

以慘慄兮上洪紛而相錯直嶢嶢以造天兮厥高慶而
不可乎彌度平原唐其壇漫兮列新雉於林薄攢并閭
與茨蔕兮紛被麗其亡鄂崇丘陵之駸駸兮深溝欽巖
而為谷逞逞離宮般以相燭兮封巖石闕迤靡乎連屬
原後漢鄧耽郊祀賦咨改元正誕章厥新豐恩羨溢
含唐孕殷承皇極稽天文舒優游展弘仁揚明光宥罪
人羣公卿尹侯伯武臣文林華省奉贄厥珍夷髦盧巴
來貢來賓玉璧既萃於萬斯年穆穆皇王克明厥德應

符蹈運旋章厥福昭假烈祖以孝以仁自天降康保定
我民 晉郭璞南郊賦於是時惟青陽日在方旭我后
將受命靈壇乃改步而鳴玉升金軒撫太僕揚六鸞齊
八駟列五幡於一元兮靡日月乎黃屋矯陵烏以偵候
兮整豹尾于後屬武騎伋以清道被練煥以波燭爾乃
造曠場戾壇庭百僚山立萬乘雲縈延祝史肆玉牲登
圓丘揖太清禮羣望告皇靈天澄其氣日朗其精飛廉
鼓舞於八維兮豐隆擊節於九冥祝融穆以肅侍兮陽

侯澹以中停於是司烜戒燧火烈具炳宗皇祖而配祀
增孝思之惟永郊寰之內區域之外雕題卉服被髮左
帶駿奔在壇不期而會戕戕羣辟蚩蚩黎庶翹懷聖猷
思我王度事崇其簡服尚其素化無不融萬物自鼓振
西北之絕維隆東南之撓柱廓清紫微電埽神宇風馬
桂林抗旌琳圃五嶽不足以顯其勲九韶不足以贊其
舞饗駭鬼方聲振丘壟倒景望風龍漢企踵爛若列星
之環辰咸雲騰而海涌此盖和氣旁通玄羅潛總自然

之感鼓而遂動 增唐徐彥伯南郊賦歲合作噩日交
長至邁朔旦之明期擇純陽之正地欲陳大旅展時事
告紫宇之成功定皇天之寶位蜃驚司典鳴鳩蒞職崇
泰壇考星翼畫八卦以通道錯五行而辨域對越精祗
森羅正直木火而殷薦豫乘雷以罔極載師清野土
訓埽屢繚垣虹合參途電聯籠組惟以艾景覆皇邸以
慶煙宮伯糾其禁內饗烹其魚周廬攢構以戢晉列森
抗莖而翩綿繩繩都人濟濟多士九牧之守百蠻之子

莫不挈鴈提羔攢駟噓軌紛鴻溶以騰逗叛適皇而怡
凝或駢肩而側足候吾君之戾止若葵藿之傾離光同
江河之赴溟水也然後啟端門警仙蹕雙鳳矯首六龍
齊膝青旒冒雲紅旌曄日鏘玉鸞之鳴轡按金雞之廣
術傳畫角以啾嘈曳朱旗以駢坐呵風伯令戒道制玄
冥使司律此靈祇所以保綏昊天所以宥密於是闢龍
次幸蜺幃鶉鳥司袞熊羆奉收皇帝乃彰畫黻襲大裘
端玉珽肅朱旒翼翼穆穆遂臻於圓丘躬孝享擁神休

設天宗之六席援長發之二球盥以明水薦以香羞陳
蒼璧而咸事藉白茅而闡幽絜騁毛之泔淡酌玄瓚之
觥醪盛哉坤極順天而見邸乳祥開曾沙業薦赫禮數
於彤壺布徽音於紫縣率先於金簿之蠶謹覆以瑤筐
之驚皇后介禮恭茲亞奠凝億兆之歡心注穹蒼之景
盼紫微開兮天香滿神之來兮軒星纂候黃鍾兮雪飛
調大吕兮風暖夏雲和之寶瑟吟孤竹之清管石麟天
矯團翠煙而上征綈鳳習霍迓鴻釐之無算瑞氣蜿蜒

於藪甸祥光熠燿於旄罕三觶終獻萬祗呈醺昇羽節
導靈羣凝肆夏以青晷賜登歌而咽雲徽驚鷺之颯沓
致戩穀之絀緼禮畢功成天旋日轉宸儀允穆后庸胥
展引大火之流旂迴夷庚之翠輦倪三靈之崇構御六
氣之遙辨覽太玄之神策張集靈之瑞典草木亨兮雷
雨霽霈湛恩灑兮雲霄靈霽壽觴霞舉兮絲竹飴筐篚
嶽立兮駢嵯峨天子方合符於大庭之國錯事於梁父
之阿岱崩疑兮清嶂汶泓澄兮紫波屯干穀以霆轉整

萬轡而星羅則述易象者獻風行之繇談比興者奏時
邁之歌蕩蕩乎巍巍乎無得而名言矣 杜甫有事於
南郊賦朝廟之禮既畢天子蒼然視於無形澹然若有
所聽又齋心於宿設將盥食而匪寧旌門坡陀以前驚
轂騎反覆以相經頓曾城之軋軋軼萬戶之熒熒馳道
端而如砥浴日上而如萍掣翠毛於華蓋之角彗黃屋
於勾陳之星神仙戍削以落羽魍魎幽憂以固局戰岐
慄華擺渭掉涇地回回而風淅淅天泱泱而氣清清甲

胄乘陵轉迅雷於荆門巫峽玉帛清迴霽夕雨於瀟湘
洞庭於是乘輿霈然乃作翳夫鸞鳳將至以沖融寥廓
不可以彌度聲明通乎純粹溟滓為之垠堦駟蒼螭而
蜿蜒若無骨以柔順奔烏獲而黝黹徒有勢於殺縛朱
輪竟野而杳冥金鏐成陰以結絡吹堪輿以軒輊搶寒
暑以前卻中營密擁乎太陽宸眷眇臨乎長薄熊羆弭
耳以相舐虎豹高跳以虛攫上方將降帷宮之絺綌屏
玉軼以蠓略人門行馬以拱乎合沓之塲皮弁大裘始

進於穹崇之幕衝牙鏗鏘以將集周衛轆轤而咸若月
窟黑而扶桑寒田燭稠而曉星落肅定位以告潔藹嚴
上而清超雲菡萏以張蓋春威蕤以建杓簪裾斐斐樽
俎蕭蕭方面曲折周旋寂寥必本於天王宮與夜明相
射動而之地山林與川谷俱標於是乎官有御事有職
所以敬鬼神所以勤稼穡所以報本反始所以度長立
極元酒明水之上越席疏布之側必取先於稻秫麴蘖
之勤必取著於紛純文繡之飾雖三牲八簋豐備以相

泂而蒼璧黃琮復歸乎正色 蕭穎士至日圓丘祀昊

天上帝賦於是致齋於宮合樂於律羣有司肅肅以儆
戒百執事乾乾而莊慄天子迺乘玉輅駕蒼虬率九儀
之卿士從五等之諸侯旌旗露卷冠蓋雲浮展國容於
御路行大禮乎郊丘劒佩紛紜以陸離鐘鼓鏗訇而沸
渭爵一獻而上下胥悅樂六成而神祇磨至是以神降
我福人懷我惠致洪化於仁壽豈不由肅敬於大祭
賈餗至日圓丘祀昊天上帝賦是時星昏東壁日躔南

至爰命有司肅將祀事羅幄帟以雲黝駢疊俎以鱗次
藉白茅兮取諸潔薦蒼璧兮象其類皇威允穆司儀辨
等而以班明德惟馨祝史陳辭而不愧觀夫廣場還合
泰壇五時告萬物之生成當一陽之初晷揖羣望以咸
秩列衆靈以備祀紫微開兮天意通元氣調兮薰風起
若乃陳以牲幣酌以秬鬯歌大呂以為節舞雲門以為
狀達誠於氤氲之際降靈於閭闔之上騰瑞氣而蜿蜒
燭神光兮薄暢又東郊迎氣賦少陽始來隨初日而

其輝未赤新春乍應拂大旌而其色彌青天統則彰禮
容斯覲樂聲動蕩於木氣黃道麗彩於蒼壁氣先四序
克配於木德震宮光被八紘不逃於金壺玉歷 王起
東郊迎春賦於是法駕鏗鏘嚴城翕習見太史之先謁
知勾芒之已及都人士女候綵仗以駿奔文物聲明擁
翠華而鱗集莫不聽玉漏而雷動起靈壇而嶽立於是
闢重門遵九遠服蒼玉載青旗八鑾振響隨解凍之和
風五輅騰輝映麗天之遲日 韋充郊特牲賦盡黑黃

蒼赤之形舉書其數用齒角皮毛之狀具體而微苟山川之不捨曷天地以相違當其大禮既陳泰壇斯踐形殊歸獸角若獨繭羈縻忽至初無悚於肇牽穀馘方來尚不絕乎餘喘斯可以見至德在斯入用惟時實禮之大者在信以成之介葛雖聞於早辨莊周誠得而興悲謝觀東郊迎春賦陳靈威於中宮之座設大昊於配享之位東嚮西嚮勾芒歲星而對列左之右之三辰七宿以相厠既竭百辟之心用展一人之事帝乃玉色以

進磬折而前求發生之候不忒祈溫和之氣罔愆盡敬
於地冀祐於天一拜而北陸之寒去矣再拜而東方之
風煦然獻酬既已尊卑備矣拂祥光於龍顏之上納和
氣於御衣之裏 柳宗元迎長日賦皮弁乍臨土圭之

影猶積泰壇既罷玉漏之聲潛長變熙熙之純曜流杲
杲之精光璧彩始融麗景欲凝於城闕輪形尚疾斜暉
未駐乎康莊浮晨光於俎豆散微照於苞茅周流金石
暉照陶匏 李程迎長日賦將報本而郊天因宣明而

主日大司徒執圭以表位羣有司奉璋而有秩義和御之而有倫疇人則之而無失運行之次望遲遲以就陽寅賓之時見杲杲而已出何迴焚柴賦惟天命子之辰惟帝告天之日靈神以之保乂昊穹以之宥密穀核洋溢鼓鐘鏗鉤三靈同感庶物皆精故祭者脩禮之義柴者告成之意燎焜煌而上熏煙勃率而傍駛朝野美乎聖澤華夷贊乎能事惠浹於煇胞恩汪濊於民吏則知柴而致福祭示吉蠲效周室之為理望虞家之有

年福福應兮飛燄神神來兮駕煙 王起雍時舉權火
賦伊昔克脩羣祀大合百神聲明雲集文物星陳仰珠
旒則嚴其待曙聽玉漏則闇然未晨晦威儀之秩秩迷
俎豆之莘莘張華燈而其光不遠秉神燭而其明不均
則雍時之舉權火也莫之與倫既而亭亭有揭燄燄方
熱於以觀百里之備於以昭五夜之節拂瑞雲之表乍
疑乎燭龍方來入靈壇之中又似乎神光不絕由是薦
嘉者於焉仰止執熱者難乎嚮邇電延而自西自東星

繁而一彼一此比王屋之火空際不流似陳寶之光祠
中乍委則雍時之義斯焉取斯權火之作為於有為照
苾苾與芬芬自明無黷燭蹢蹢與濟濟方表有儀故將
崇其明祀立我洪規豈徒散孤光於地表煽丹燄於天
垂而已哉 宋宋祁圓丘賦敢問圓丘之狀也其何如
矣廣矣大矣略可詳矣上崔嵬以鬱律兮外博敞而神
麗遡朱鳥以高燔兮槩瑰魁而斜峙休氣回復乎其椒
兮榮泉滋滲乎其趾魑魅不若泯伏於其遠矣神明肅

然離衛乎其邇於是攘之辟之其菑其翳修之平之其
炊其畷上三陔以積高外四門而疏陞列道糊賴重營
界紫無縮板以作勞不藉屬而昭侈因天質之自然非
人力之攸致萃兮似高山之在周邦截焉若隆睢之亘
汾澁及夫涓日肇祀於郊之宮陶匏尚質金石有容璧
奠褥以蒼蒼兮鼎鼐鼓雲而隆隆百神服食蔓衍乎坎間
兮有司守燎燦爛乎壝中 鄭獬圓丘象天賦肇靈壤
以高峙模圓清而上當擇吉土之成基乃定其位倣高

穹之大體以就乎陽由是懽然神意交穆然大貺授徧
羣靈以從之祀嚴太祖以為之侑煥乎盛容配乎大就
成非人力聳寶勢以下蟠仰合乾儀環太虛而高覆然
則禮有物也其制可象天無形也其端可求故我相法
於厚地取類於重丘崇崇其高隱若積土之固浩浩其
大渾如洪覆之周是故有藁秸以藉誠有陶匏以薦禮
大裘焉以彰其質蒼璧焉以象其體固異周朝授政築
層級之三成漢祀命郊兆重階之八陛 范鎮大報天

賦大宋七十有二載符節合於聖神陶鈞運於真宰化
至而乾用九令行而風不再泰山四維兮固基圖而靜
寧黃河一清兮撫期運而茂對元尊降休其如響富媪
効珍而弗愛星氣交見景炎青赤之光魚馬兩至道出
東西之海於時百靈會鈞天之游萬物極崇丘之大鑿
井者罔識帝力仰盆者不知天蓋以上方游神治古之
表垂意幾成之會不有反本之報曷為含生之賴况夫
西踰月竈之垠東走天池之紀北窮祝栗之野南極濮

鉛之地雷出而奮豫風興而披靡穹居草服華體木薦
之酋髻首貫胸離身反踵之帥尋聲望景知中國之有
至仁梯虛航深示戎狄之無外事順走我轍跡服馴我
鞭轡迺有雙觥共觝之獸赤汗赭沫之駟浮琛沒羽之
珍文鉞碧砮之異諸福之物倜儻奇偉衆變之狀燦爛
譎詭按圖牒而未書歷封禪而不至滔滔焉峩峩焉來
助祭者波委而嶽峙明王梅恭祀圓丘賦爾乃振玉
輅之殷韓翳華芝之飄搖金貂翼輶錦校扶輶建螭蚪

之羽旆兮拂雲霞之輕綃儼肅靖之前導兮舞迴颺而
飄飄二十八宿五岳四瀆之旆旗迴環矗擁紛不知其
幾許兮目暝眙而相交列黃麾而豹尾響儀鍠之玉珰
被毳罽兮馴象山回而嶺峙輝障泥兮仗馬雲滃而川
遙於斯時也豐隆排雲雨師汎灑風伯剡然其先驅日
馭隨車而散彩於是踰金水出崇墉望清都戾帷宮初
海運而天聲忽秋肅而春融奉圭豆者受成於牙史列
陛楯者屏息於元戎闕乃達觀於郊丘也廣矣大矣不

可述矣上鬱律而摩鴻濛兮下混龐而當地軸外翼騫
而雄張兮中深閭而無黷廣連廡之千柱兮繚周垣之
相屬眇八觚之直上兮倚青雲而盤矗爛蚪霓之夭矯
兮拂祥飈之回復恍朱鳥之可摘兮謂南極之在麓魑
魅魍魎屏跡而遁藏兮太乙勾陳呵護而清肅疑神變
之倏成兮非人力之所築義和弛御候人告昏甲夜寂
寂齋宮沉沉天子方儼而一精而真盥而不薦直而惟
寅既而絳幘呼旦靈囂三嚴元冕我我大裘檐檐出自

齋宮穆穆登壇司烜告期萬炬畢然熒惑逡巡而泯耀
祝融忽霍而相光大和之鍾厥音維洪鯨吼龍吟殷殷
隆隆吉事爰始燎煙方通合蕭薌於焦蒸何奔星而走
虹闔天閤以受祉昭誌芬於璇穹蒼壁秩秩黃流崇崇
三陟三降棣棣雍雍陶匏十二而豐質雲和六變而始
終

原詩隋盧思道駕出圓丘詩開年簡時日上辛稱天吉
平曉禁門開隱隱乘輿出乘輿出九重金根御六龍章

移千乘動旆舉百神從黃麾引朱節靈鼓應華鐘神歌
已相續神光復相燭風中颺紫煙壇上埋蒼玉 增唐
李嶠奉和皇帝丘禮撫事述懷應制詩垂旒滄海晏解
網法星空雲散天五色春來日再中稱觴合纓弁率舞
應絲桐凱樂深居鎬傳歌盛飲豐 陳子昂奉和皇帝
丘禮撫事述懷應制詩雲陛旂常滿天廷玉帛陳鐘石
和睿思雷雨被深仁承平信娛樂王業本艱辛願罷瑤
池宴來觀農扈春 韓翃扈從郊廟詩丹墀列侍主恩

同殿馬翩翩出漢宮奉引乘輿金仗裏親嘗賜食玉盤
中晝趨行殿旌門北夜宿齋房刻漏東明日駕迴承雨
露齊將萬歲及春風 權德輿朔旦冬至攝職南郊即

事詩大明南至應天正朔旦圓丘樂六成文軌盡同堯
歷象齋祠忝備漢公卿星辰列位祥光滿金石交音曉
奏清更有觀臺稱賀處黃雲捧日瑞昇平 武元衡至
日圓丘詩郊廟祗嚴祀齋莊覲上元別開金虎觀不離
紫微天樹古長楊接池深太液連仲山方補職文舉自

傷年風澀銅壺漏香凝綺閣煙仍聞白雪唱流詠滿鵝
絃 裴度至日圓丘詩致齋移祕府祇事見沖襟皓月
當延閣祥風自禁林相庭方積玉王度已如金 崔曙

至日圓丘詩典籍開書府恩榮避鼎司郊丘資有事齋
戒守無為宿霧蒙瓊樹餘香覆玉墀進經逢乙夜展禮
值明時勲共山河列名同竹帛垂年年佐堯舜相與致
雍熙 韓愈奉和李相公攝事南郊詩燦燦辰角曙亭
亭寒露朝川原共澄映雲日還浮飄上宰嚴祀事清途

振華鑣圓丘峻且坦前對南山標村樹黃復綠中田稼
何饒顧瞻想巖谷興歎倦塵囂 宋蘇軾郊祀慶成詩

大祀乾坤合剛辰日月明泰壇朝埽地魄寶夜垂精仰
御圓蒼盖環觀海岳城北流吞朔易西極落欖槍升燎
靈光答迴鑒瑞霧迎需雲徧枯槁解雨達勾萌 明何
景明郊觀詩丹戶乾坤闢雕墻海嶽扶瑤壇上星斗琳
觀俯虛無輔弼朝元坐勾陳衛紫樞風含浴殿暖雲裊
露盤孤好時瞻春祀嵩高聽夜呼公侯守禁籞虎旅發

金吾玉輦臨犧宰珍饈走膳夫時時聆磬管鬱鬱鎖松
梧日月藏金櫃龜龍祕赤符祈天洪洛誥渡海斥秦誣

李夢陽正德元年郊祀詩壇官秉笏候金鐘月出西
南照雪峰不向蓬萊看五色那知天子是真龍神來

擊鼓復吹簧一道虹飛萬丈光闔闔清風搖玉燭至尊
獨立殿中央金輿還內放人看萬戶千門震地懽繡
扇徐開龍虎氣君身不動泰山安倪岳甲辰正元奉
命南郊看牲詩漏轉重城夜不扃兩街高炬燭青冥影

連貔虎塵隨路香拂犧牲月滿庭已信卜郊嗤魯史却
看 在滌重周經明朝復命紅雲殿鵠立金門候曙星

胡侍扈駕郊壇陪祭詩朱壇晴雪媚春空雲從天行氣
象雄八駿宛迴黃竹路六龍遙向玉華宮爐煙半拂仙
人掌樹色微翻少女風應有海神來候駕南端霏霧碧

溟濛 郊壇春蹕遶朱城上帝高居敞玉清五色幡幢

空裏見六軍組練月中明雲依黼帳成龍采樂上瑤臺
作鳳鳴望秩屢叨陪海嶽涓埃何以答恩榮 趙輔奉

和觀車駕祀南郊詩御堤新築淨無埃大駕親承祀事
來風定爐煙浮袞冕日高仙仗護蓬萊鸞旂紛擁雲衢
合雉扇遙迎翠輦開更有羽林嚴宿衛桓桓多是出羣
才 蔡羽郊壇詩輦道風清碧野平紫煙常自鎖南城
行宮歲幸乘龍近仙侶朝來學鳳鳴小殿沉香金氣鬱
圓丘芳草玉華清祠官記得天行處萬燭光中候珮聲
唐順之冬至南郊應制詩明王敦大報泰時禮神君
位以南離正宵從甲子分月臨太乙館星動羽林軍除

道疑登岱鳴簫異度汾聲容六變合海嶽百靈紛封簡
微題字屏帷悉畫雲神光人共見天語帝親聞盛跡誰
能賦多慙扈從羣

增歌漢郊祀樂歌九重開靈之旂垂惠恩鴻祐休靈之
車結元雲駕飛龍羽旄紛靈之下若風馬左蒼龍右白
虎靈之來神哉沛先以雨般裔裔靈之至慶陰陰相放
拂震澹心靈已坐五音飭虞至旦承靈億牲繭栗棗威
香尊桂酒賓八鄉靈安留吟青黃徧觀此眺瑤堂 原

晉郊祀歌整泰壇禮皇神精氣感百靈賓蘊朱火燎芳
薪紫煙起冠青雲營泰時定天衷思心睿謀筮從建
表蘊設郊宮田燭置權火通歷元旬集首吉飾堦壇坎
列室整泰祈祚皇祇衆神感羣靈儀祚有晉暨羣黎
溢九有格天庭保萬壽延億齡宋顏延之天地郊夕
牲歌寅威寶命嚴恭帝祀奄受敷錫宅中拓宇宜地稱
皇饗天作主月竈來賓日際奉土開元首正禮交樂舉
六典聯事九宮列序有恮在滌有潔在俎式薦主衷以

答神祐 隋牛弘郊昊天上帝歌肇禋嚴祀式奉尊靈
因高盡敬埽地推誠六宗隨光五緯陪營金石諧合絲
竹淒清我粢既盛我酌惟明元神是鑒百福來成 增
唐園丘樂歌闔陽播氣甄曜垂明有赫圓宰深仁曲成
日麗蒼璧煙開紫營聿遵乾享式降鴻禎 欽惟大帝
載仰皇穹始命田燭爰啟郊宮雲門駭聽雷鼓鳴空神
其介祀景祚斯融 宋郊祀樂歌在國南方時維就陽
以祈帝祉式致民康豆籩鼎俎金石絲簧禮行樂奏皇

祚無疆 元郊祀樂章宗祀配饗肇舉明禋嘉玉既設
量幣斯陳惟德格天惟誠感神於萬斯年休命用申
有碩斯俎有滌斯牲鑿刀屢奏血膋載升禮崇繭栗氣
達尚腥上帝臨止享於克誠 明高皇帝御製郊祀樂

章天垂風露兮雨澤沾黃壤氤氲兮王化全民勤畎畝
兮東帛鮮臣當設醺兮奉來前 庖人兮列鼎散饁兮
已成方俎兮載獻願享兮以歆 初獻聖靈兮皇皇穆
嚴兮金牀臣令樂舞兮景張酒行初獻兮捧觴 載斟

兮載將百辟陪祀兮具張感聖情兮無已拜手稽首兮
願享 三獻兮樂舞揚敷俱納兮氣藹而芳祥光朗朗
兮上下方況日吉兮時良 旌幢昱昱兮雲衛長龍車
鳳輦兮駕飛揚瞻冉冉兮上下方必蒸民兮永樂望
進羅列兮燎瘞方炬燄發兮煌煌神變化兮束帛將感
至恩兮無量 明南郊祈穀樂章蒸民勸職兮農事專
蠶工亦慎兮固桑阡玉帛祗奏兮暨豆籩仰祈大化兮
錫臣豐年 鼎烹兮氣馨香羞兮上醺帝垂享兮以歆

蒸民蒙福兮以寧 三獻週兮肅乃儀俎豆敬微兮弗

敢遲願留福兮丕而曰雨曰暘兮若時 祀禮告備兮

帝鑒彰精神上達兮感昊蒼雲程肅駕兮返帝鄉臣荷

恩眷兮何以忘祥風瑞靄兮彌壇壝蒸民率土兮悉獲

豐康 明高皇帝九章歌金石絲竹之會陳兮必五音

以諧同命舉枹拊鼓而撫琴兮加寶瑟及以笙鐘磬聲

嘹唳而韻窮兮吹埙篪以管從 遙瞻閭闔之開闢兮

飛龍前導而翱翔蹕蹕鶴舞鳳揚兮鑒輿冉冉而上方

侍從景從周匝兮天香馥郁而旌幢張帝衣元雲之衣
兮綵霞赤霓而為裳稽首仰瞻遙迓兮聽金玉之鏗鏘
洪龐之方闢兮擁地祇之旌幢麒麟丹鳳之挾車兮
角端前驅以騰驤衛護森嚴而凜凜兮於昭穆穆而聖
皇稽首鞠躬而駕來兮惟恪勤以趨蹌天星不息而
周章兮擁旌旄而運銀潢幡幢繚繞於大虛兮護從鑾
輿而至下方惟五星日月照臨兮邇帝左右而龍旒傍
引領以欣覩兮威威而衛帝行覩旂幡之四維兮列

神威而倍張嶽鎮海瀆之會兮斂欣地祇之來降陪神
迓聖而相從兮擁山鬼於幽篁飛蒼龍而倏然兮清塵
導道而妖魅藏矯首以候來兮聖皇為民而錫康皇
天后土之既臨兮享殽饌而美椒漿思陰陽之會合兮
如臨已而穆穆洋洋躬竭衷以趨蹌兮周旋三獻而奉
觴皇皇二聖之優游兮眷予牧民而為王惟天地之恩
無極兮獨父母之育相當雖欲報之何以兮但法常經
而頤藏氣氤氲而馥郁兮樂聖駕之旋幢喜雲衢而

耿冉兮天廓落而地洪龐因遙送而俯仰兮鑒輿降而
達元黃慕神降上之盤桓兮於心曀曀而耿光願民之
多福兮每以歲首而奠筐升沉燎瘞而幻化兮簡饁
備納而供勤昌以之而祈谷兮民謳歌而福愈良想天
門地維之茫茫兮欲假之來享而難望樂之既成兮必
時若而雨暘

增詔梁沈約南郊恩詔昧旦風興念茲治道而刑禮叅
用未臻和簡向隅之情永言增歎郊禋載洽幽明允從

思隆嘉祉被之兆庶

增敕書唐張九齡南郊敕書爰因長至欽謁上元諸侯
駿奔來於穆之相百神受職率成秩之文六變已陳三
獻斯畢豈予一人之福亦爾萬邦之賴宜因咸和之際
俾承厚下之澤 天寶十載南郊敕書爰以土德承漢
火行是憑大易之辭用紹前王之烈獻歲初吉乘時布
和展禮崇禋竭誠昭布庶叶發生之序載覃雷雨之祥
增制唐景龍三年十一月二十三日拜南郊制朕自臨

四海於今五年幸承祧社之靈未展郊丘之謁方今朔
風候律南至登辰乘上日而恭饗奉高禋而肅事揚祖
宗之休命酌壇場之令典百神受職三才合契備殷薦
之容行昭報之禮豈惟靈光所燭但驗其徵方冀後先
不違實受其福 陸贄貞元九年冬至大禮大赦天下
制協天地會昌之運實宗社無疆之休慶既荷於元功
禮有昭於大報是與公卿大夫虔奉犧牲恭奠珪璧陳
其文物薦其馨香類秩於太壇朝享於清廟率職來助

萬邦攸同備物致嚴百禮具舉誠慕獲展神人允諧
增議唐長孫無忌昊天上帝及五帝異同議按史記天
官書等太微宮有五帝者自是五精之神五星所奉以
其是人主之象故況之曰帝亦如房心為天王之象豈
是天乎周禮云兆五帝於四郊又云祀五帝則掌百官
之誓戒惟稱五帝皆不言天此自太微之神本非昊天
之祭今請憲章姬孔取王去鄭四郊迎氣存太微五帝
之祀南郊明堂廢緯書六天之議又太宗皇帝配天

議伏見永徽二年七月詔建明堂追奉太宗已遵嚴配
今乃降配五神不得對越天帝深乖明詔之意又臣謹
上考殷周下洎貞觀並無一代兩帝同配於明堂伏惟
高祖太武皇帝躬受天命奄有神州創改舊物體元居
正為國始祖抑有舊章請奉祀於圓丘以配昊天上帝
太宗文皇帝道格上元功清下瀆拯率土之塗炭布大
造於生靈請宗祀於明堂以配上帝 唐紹請以正冬
至日祀圓丘議臣聞禮以冬至祀圓丘於南郊者以其

日行躔次極於南際是日一陽生為天地交際之始故
易曰復其見天地之心乎即冬至卦象也甲子但為六
旬之首一年之內隔月常遇既非大會晷運未周惟總
六甲之辰助四時而成歲今欲避環周以取甲子是背
大吉而就小吉也 獨孤及景皇帝配昊天上帝議按
禮自古必以首封之君配昊天上帝惟漢崛起豐沛豐
公太公皆無位無功德不可以為祖宗故漢以高皇帝
為太祖伏惟太祖景皇帝以柱國之任翼周弼魏建封

於唐高祖因之遂以為有天下之號今若以高祖創業
當躋其祀是棄三代之令典遵漢代之末制黜景皇帝
之大業同於豐公太公之不祀失孰甚焉謹稽禮文配
食天帝之制請仍舊典

原表梁簡文帝上南郊頌表雖周郊南甸宗伯之官徒
設漢興北時寅恪之道未隆而體元含極先後弗違典
盛望裡理通孝敬潔靜之禮載光禘郊之風斯洽 增
唐令狐楚賀南郊表光膺大寶茂對上元盡誠信以奉

先極婉愉而致養孝光夷貊悌達神明方將告成功敷
顯號惟天為大俾衆庶咸新如日之昇與品物相見六
幽傾耳四海翹首

原啓梁元帝慶南郊啓大裘而冕陶匏以質黃鐘既奏
雲門斯舞樂諧六變歌陳九德感天動神式展誠敬

原頌梁簡文帝南郊頌臣聞惟天為大聖人敬其德知
幾其神至人契其道故龍官弱言之后合揆於蒼旻鳥
紀垂衣之君昭格於上帝皇帝之御天下也緯天維理

地軸移澆風於末俗反淳正於區中化不言而先顯教
不言而已肅九垓同軌四海無波塵清世晏蒼兕無所
用其武功運謚時雍鵷鷺咸並脩其文德玉門罷堠紫
塞沈烽畫一之政萬代表於時和三章之律百姓沐於
仁壽於是龍光之地日浴之鄉紫舌黃支頭飛鼻飲自
西自南無思不服由是嘉祥被衆瑞發金人澤馬丹甑
玉雞三角九尾四肩六足參差於郊藪布濩於宮闈乃
以恭肅神祇理通孝敬江左以來爽塏未聞爰命將作

揆日載營三靈叶響百工咸事宛如神造儼類仙居五
達四通廓郊彌澤南瞻重岳北眺芒嶺東臨灞澹西望
舊豐紆餘委蛇丘陵起伏澎湃堯岵山川異態飛梁邃
宇洞燭空懸紫殿仙宮霞褰烏翥其辭曰肅恭明神逖
聽前踵配天道尊迎陽義重元酒陶匏燔柴雲聳跨舜
論韶龍堯稱拱郊宮載靜紫壇新謚肅肅禁衛陰陰仙
室六戎列野八鑒昭日架殿星羅重宮霧出康哉德盛
美矣時豐三辰增曜七政永崇五方來泊四隩茲通懸

繩度窄駕鹿追風既敷懋化復覩瑞滋金車出野玉露
霑墀紫脫神章華平瑞芝長愉汪濊永固雍熙 增明
方孝孺郊祀頌赫赫太祖受命孔時黃鉞朱旗載清九
圍復天之常脩人之紀惟聖天子皇祖是嗣奉承天心
克受帝祉乃諏令辰正月壬午誓戒臣工大祀攸舉陽
德顯融斂戢羣陰天開日舒百神鑒臨玉輅出郊樂備
不作齋於祠宮盛服儼恪肅肅于動栗栗于言上帝在
茲敢有弗虔昭哉廣殿取類明堂金鋪瑤礎勢切穹蒼

鼎俎既豐幣玉既飭地燭煒煌騁牲芬苾垂輿徐來及
門而趨執圭屏息仰覲天居乃盥乃薦乃綏乃燎儼若
居歆覩其色笑分命羣僚獻於羣神合敬同誠百禮具
陳雲君岳祗海王瀆伯厥靈洋洋來舉飲食帝謂天子
致孝事天爰錫純嘏子孫萬年太祖歎言天子至仁恩
加黎庶四夷咸賓天子稽首受天之祚拜跪周旋如奉
寶璐樂止禮成夜氣正中星斗交羅其光炯炯聖情欣
豫上帝予撫萬口同聲昔未嘗覩還坐法宮端拱受朝

至和盈庭如聞九韶

增祝文唐郊天祝文大明南至長暑初升萬物權輿六
氣資始式遵彝典慎脩禮物敬以玉帛犧齊粢盛庶品
備茲禋燎祇薦潔誠 明南郊祈穀祝文候維啟蟄農
事將舉爰以茲辰敬祈洪造謹率臣僚以玉帛犧齊粢
盛衆品備斯明潔恭祀上帝於大享殿仰希垂鑒賜福
承民俾五穀以皆登普萬方之咸賴

增序明宋濂郊禋慶成詩序郊祀之禮始於有虞氏至

周大備秦漢以來寢涉不經且惑於六天六帝之說莫
之適從君國子民者不能恭嚴祀事往往遣大臣攝之
惟我皇上一據禮經而洗千古之陋每歲親升泰壇昭
事上帝恪恭寅畏有赫其臨陰斂陽舒降甘風雨覃及
寰宇物無疵厲行見鳳凰降而龜龍假矣聲歌之發茲
非其時乎

本集郊禋
慶成詩序

御定淵鑑類函卷一百六十五

欽定四庫全書

御定淵鑑類函卷一百六十六

禮儀部十三

朝日夕月
祭星

朝日夕月一

原通典曰周制以實柴祀日月星辰

鄭衆云實牲體于
柴上日陽精屬天

月陰精屬地陰道挈制于陽故
月屬天而從于陽同實柴之義

日壇曰王宮月壇曰夜

明牲幣俱色赤樂與祭五帝樂同禮神之玉以珪璧

珪璧

卽為辟取
殺于上帝

王搢大珪執鎮珪縹藉五采五就以朝日

王朝

日者示有所尊
訓人事君也

王服元冕所以尚質自朝至暮行祭之

禮先以牲幣于柴上而燔之升煙于天以同五帝之義

凡祭日月歲有四焉迎氣之時祭日於東郊祭月於西
郊一也二分祭日月二也祭義云郊之祭大報天而主

日配以月三也月令十月祭天宗合祭日月四也

四時之氣

有分有合二分之一日祭謂分也大報天而主日以月配
是合也大報配祭之時日燎于壇月埋于坎瘞埋之時
自血始燔燎之時自氣先合為大祭分為中祭郊特牲
云大報天而主日其禮宜重用積分祭宜輕則用少牢
拜日于東郊月于西郊者此因而祭于郊也特牲大報
之時埽地而祭燔柴而郊就陽位也祭法分祭之時王

宮祭日夜明祭月以少牢在壇上不于地也至時于二祭所用珪玉亦無差別覲禮拜日於東

門之外

此會同以春也

禮日于南門外禮月于北門外

此謂會同以夏

秋冬變拜言禮者非常祀也祀月北郊者太陰之精以為地神也若王巡狩會盟燔柴升煙以祭日是君自以君道而祭陽也方伯會盟則瘞埋以祭月是臣自以臣道而祭陰也

增考工記曰玉人

之事圭璧五寸以祀日月星辰國語曰先王朝日夕

月以教民事君陳氏禮書曰日言朝於日出之朝朝

之也月言夕于月出之夕夕之也日壇謂之王宮以其有君道也月壇謂之夜明以其昱于夜也其次則大次

小次設重幣重案其牲體則實柴其圭之縹藉則大采
小采禮之之玉則一圭邸辟祀之之樂則奏黃鐘歌大
呂舞雲門 禮記天子玉藻十有二旒龍袞而祭元端
以朝日于東門之外 鄭注端當為冕 魯語曰天子大采朝日

與三公九卿祖識地德日中考政與百官之政事師尹
惟旅牧相宣序民事少采夕月與太史司載糾虔天刑
日入監九御使潔奉禘郊之粢盛而後即安 左傳曰日
月星辰之神則雪霜風雨之不時于是乎禘之 春秋

莊公十有八年春王三月日有食之穀梁傳曰不言日不言朔夜食也何以知其夜食也曰王者朝日故雖為天子必有尊也貴為諸侯必有長也故天子朝日諸侯朝朔 漢書郊祀志曰秦始皇東遊海上行禮祠名山川及八神六曰月主祠之萊山在齊北並渤海七曰日主祠盛山盛山斗入海最居齊東北陽以迎日出云又曰雍有日月參辰廟各以歲時奉祠 原通典曰漢武帝立二十八年始郊太一朝日夕月改周法其後常

以郊泰時質明出行竹宮東向揖日其夕西向揖月即為郊日月又不在東西郊遂朝夕常於殿下東西拜日月羣公無四朝之事 魏文帝詔曰天子拜日東門之外禮方明也而漢儀煩褻似家人之事非尊天之道黃初二年正月乙亥朝日于東門之外而正月非二分之義秘書監薛靖論云按周禮朝日無常日鄭元云用二分秋分之時月多東升西向拜之背實遠矣朝日宜用仲春之朔夕月宜用仲秋之朔淳于濬駁之引禮記祭

日於東祭月於西以端其位周禮秋分夕月並行于上
代西向拜月雖如背實亦猶月在天而祭之于坎不復
言背也猶如天子東西遊幸其堂之官及拜官猶北向
朝拜寧得以背實為疑明帝太和元年二月丁亥朔朝
日於東郊八月己丑夕月於西郊始得古禮 晉因之
武帝太康二年有司奏春分朝日寒溫未適不可親出
詔曰頃方難未平今戎事已息此禮為大遂親朝日
齊末東昏侯永元元年何佟之議王者兄日姊月馬鄭

用二分廬植用立春終之以為日者太陽之精月者太陰之精春分陽氣方永秋分陰氣向長天地至尊故用其始而祭以二至日月次天地朝敬故以二分 後魏孝文帝太和十五年詔曰近論朝日夕月皆以二分之日於東西郊行禮然月有餘閏行無常準今若一以分日或值月出于東而禮于西尋情即理不可施行昔曹魏薛靖以為朝日取月一日為朔夕月三日為朏朏者月行始著今未知朏朔二分何者為是游明根等對曰

考按舊式準校衆議宜從朏月 後周以春分朝日于

國東門外為壇如其郊用特牲青珪有邸皇帝乘青輅
及祀官俱青冕執事者青弁司徒亞獻宗伯終獻燔燎
如圓丘秋分夕月于國西門外為壇于坎中方四丈深
四尺燔燎禮如朝日也 隋因之開皇初國東春明門

外為壇如其郊每以春分朝日又于國西開遠門外為
坎深三尺廣四丈為壇于坎中高一尺廣四尺每以秋
分夕月牲幣與周同 唐二分朝日夕月于國城東西

各用方色犢 增開元禮皇帝春分朝日東郊 前祀
五日皇帝散齋三日致齋二日如圓丘儀諸應祀之官
齋戒如別儀 宋制春分朝日秋分夕月為大祀 高
宗紹興三年司封員外郎鄭彥言春分朝日秋分夕月
祀典未舉望詔禮官講求從之其後于城外惠照院望
祭位版日書曰大明月書曰夜明玉用圭璧大明幣用
赤夜明幣用白禮如祀感生帝 遼聖宗統和元年十
二月于齡節祭日月 穆宗應歷二年日南至始用舊

制拜日禮 金朝日壇曰大德在施仁門外東南當闕

之卯地夕月壇曰夜明在彰義門外西北當闕酉地春

分祭朝日于東郊秋分祭夕月于西郊

金史

太宗天會

四年正月始朝日于乾元殿 熙宗天眷二年立朔望

朝日儀有司設爐案御褥位于所御殿前陞上設百官

褥位于殿門外皆向日宣徽使奏導皇帝至位南向拜

各門皆相應贊殿門外羣臣陪拜如常儀 世宗大定

二年以拜日無典罷之十五年詔定拜日禮有司援唐

開元禮南向設大明神位天子北向皆無南面拜日之制今宜遵古制殿前東向拜詔姑從南向其日先引臣僚於殿門外陪臣立殿前班露臺左右皇帝于露臺香案拜如常儀 十八年拜日于仁政殿始行東向禮

宣宗貞祐元年拜日于仁政殿每月吉為常 元世祖至元十六年祀太陽 二十五年祭日于司天臺 成宗即位祭太陽太歲于司天臺 武宗至大三年祀南郊以日月從祀 明太祖洪武戊辰增脩壇壝于大祀

殿丹墀中東西相向以祀日月罷朝日夕月之祭至嘉
靖中用夏言議改建四郊兆日于東郊兆月于西郊
嘉靖十一年定朝日壇以甲丙戊庚壬間歲一親祭夕
月壇以丑辰未戌三歲一親祭之

朝日夕月二

增蹕林

遼史太祖神冊三年九月拜日于蹕林

靈壇

明祭朝日壇樂章神靈壇分肅其恭

有帛在篚
兮赤踪

壇坎

詳別幽明注

朝夕

禮器作大事必順天時為朝夕必放於日

月
原別幽明

禮記祭日于壇祭月于坎以別幽明祭日于東祭月于西以別外內

迎

陰氣

列女傳日中考政敘人事少采夕月曹大家注少采降之采也以秋分祀夕月以迎陰氣

本

二分

王者父天而母地兄日而姊月故常以春分朝日秋分夕月君子履端于始舉正于中故本二分也

祀五帝

周禮掌次朝日祀五帝則張大次小次設重幣重席

增執鎮圭

周禮典瑞

王搢大圭執鎮圭縹

立次祀

春官肆師之職立次祀用牲幣注次祀日月星

辰也原實柴以祀

周禮大宗伯掌天神之禮以實柴祀日月

圭璧以祀

詳朝

一 日 成山祀日

漢郊祀志宣帝成山祀日

萊山祀月

宣帝于萊山祀月

增以牛以羊

祭日以牛祭月以羊羝

在東在西

後漢祭祀志建武二年初置郊

兆于洛陽日月在中營內南道日在東月在西

五采五就

見前

三成六成

唐志

舊樂用黃鐘之三成
新改用圓鐘之六成

元冕元端
天子朝日其服則元冕元端

青

辟白辟

朝日玉用青辟夕月用白辟幣如玉之色

朝日朝朔

見前

大明夜

明

見前

未後三刻

宋史天禧元年四月監察御史王博文言夕月壇號夜明翻居盡祭恐未

合宜請于未後三刻行禮從之

坎深三尺

長編元豐六年正月二十三日禮部言熙寧祀儀朝

日壇廣四丈夕月壇廣二丈以唐王涇郊祀錄考之夕月壇方廣四丈今止方二丈比日壇甫及半望改造夜明壇為坎深三尺從廣四丈為壇于坎中高一尺方廣四丈從之

醴齊盥齊

唐禮樂志日月

以太尊實醴齊

衣赤衣白

漢書武帝立后土祠于汾陰立太乙祠于甘泉祭日

以牛祝宰衣赤祭月以羊祝宰衣白

精意以享

禮于六宗注云禮精意以享之也宗尊也所尊

祭者其祀有六王宮祭日也夜明祭月也

一誠已仲

明夕月壇樂歌

朝日夕月三

增賦唐陸贄東郊朝日賦曰日為炎精君實陽德明至乃照臨下土德盛則光被四國天垂象聖作則候春分之節時則罔愆順周官之儀事乃不忒于是載青旂儼翠華蓋留殘月旗拂朝霞咸濟濟以皇皇備禮容於邦家天子躬整服以待曙心既誠而望賒脩而罷嚴更闢禁城五輅齊駕八鸞啟行風出郊而草偃澤先路而塵

清卷餘霑于林薄動神光於旆旌初破鏡而半掩忽成
輪而上征杲耀榮光分輝于千品萬類煙煴瑞色均燭
於四彝八紘一人端冕以仰拜百辟奉璋而竭誠和氣
旁通帝德與日德俱遠清光相對帝心與日心齊明既
而盛禮畢陳錫鑒回輪備禮服之燦燦殷游車之鞞鞞
人望如草我澤如春惟天德與聖壽配朝日而長新
增詩唐劉禹錫監祠夕月壇書事詩曰西皞司分晝夜
平羲和停午太陰生鏗鏘揖讓秋光裏觀者如雲出鳳

城

增歌唐貞觀朝日夕月樂章曰崇牙樹羽延調露旋宮
扣律掩承雲誕敷懿德昭神武載集豐功表睿文 合
吹八風金奏動分容萬舞玉鞘驚詞昭茂典光前烈夕
曜神功表盛明

增說唐柳宗元朝日說曰柳子為御史主祀事將朝日
其寮問曰古之名曰朝日而已今而曰祀朝日何也余
曰古之記者則朝拜之云也今而加祀焉者則朝旦之

云也今之所云非也問者曰以夕而偶諸朝或者今之
是乎余曰夕之名則朝拜之偶也古者旦見曰朝暮見
曰夕故詩曰邦君諸侯莫肯朝夕左氏傳曰百官承事
朝而不少禮記曰日入而夕又曰朝不廢朝夕不廢夕
晉侯將殺豎襄叔向夕楚子之留乾谿右尹子革夕齊
之亂子我夕趙文子礪其椽張老夕智襄子為室美士
茁夕皆暮見也漢儀夕則兩郎向瑣闥拜謂之夕郎亦
出是名也故曰大采朝日小采夕月又曰春朝朝日秋

夕夕月若是其類足矣又加祀焉蓋不學者為之也寮
曰欲子之書其說吾將施于世可乎予從之

增論宋陳祥道祭日月論曰古者之祀日月其禮有六
郊特牲曰郊之祭大報天而主日配以月一也玉藻曰
朝日於東門之外祭義曰祭日于東祭月于西二也大
宗伯四類于四郊兆日于東郊兆月于西郊三也大司
樂樂三變而致天神月令孟春祈來牟于天宗天宗者
日月之類四也覲禮拜日于東門之外反祀方明禮日

于南門之外禮月于北門之外五也雪霜風雨之不時
于是乎崇之六也夫因郊蜡而祀之非常祀也春分朝
之于東門之外秋分夕之于西門之外此祀之正與常
者也

增文明世宗朝日壇祝文曰惟神陽精之宗列聖之首
神光下照四極無遺功垂今昔率土仰賴茲當仲春式
遵古典謹以玉帛牲醴恭祀于神伏惟鑒歆錫福黎庶
又夕月壇祝文曰惟神鍾陰之精配陽之德繼明于

夕有生共賴暨惟五星列宿咸司下土各有攸分眇予
之資仰承帝命君此生民茲者時惟秋分爰遵典禮以
玉帛牲醴用修常祭于神惟神歆鑒福我邦民

祭星一

增周禮大司樂乃奏黃鐘歌大呂舞雲門以祀天神天神

謂五帝及日月星辰小司寇孟冬祀司民獻民數于王王拜受

之注司民星名謂軒轅角天府若祭天之司民司祿而獻民數

穀數則受而藏之注司祿文昌第六星通考曰周制仲秋之月

祭靈星于國之東南月令秋分日享壽星于南郊立冬
後亥日祀司中司命司民司祿于國城西北 秦始皇
時雍有日月參辰南北斗熒惑太白歲星鎮星辰星二
十八宿風伯雨師廟各以歲時奉祀 漢高祖八年命
郡邑立靈星祠常以歲時祠以牛 宣帝立歲星辰星
太白熒惑南斗祠于長安城旁 東漢季秋月祠星于
城南壇心星廟 東晉以來靈星老人星心星配享南
郊不復特祀 隋制于國城西北十里亥地為司中司

命司祿三壇同墮祀以立冬後亥國城東北七里通化門外為風師壇祀以立春後丑國城西南八里金光門外為雨師壇祀以立夏後申壇皆三尺牲並以少牢

唐制立秋後辰日祀靈星于國城東南立冬後亥日祀司中司命司民司祿于國城西北 明皇開元二十四年有上封事者言月令八月日會於壽星帝次列宿之辰請每至八月社日配壽星祠于太社壇享之 天寶三載十月十六日敕九宮貴神實司水旱功佐上帝德

庇下民至其祀典歷代皆闕宜令所司以來月甲子日立壇仍議其牲牢禮秩每至四時初節令中書門下往攝祭者著以成式垂之不刊 武宗會昌元年中書門

下奏曰謹按黃帝九宮經及蕭吉五行大義一宮其神太一其星天逢其卦坎其行水其方白二宮其神攝提其星天內其卦坤其行土其方黑三宮其神軒轅其星天衝其卦震其行木其方碧四宮其神招搖其星天輔其卦巽其行木其方綠五宮其神天符其星天禽其卦

坤其行土其方黃六宮其神青龍其星天心其卦乾其
行金其方白七宮其神咸池其星天柱其卦兌其行金
其方赤八宮其神太陰其星天任其卦艮其行土其方
白九宮其神天一其星天英其卦離其行火其方紫統
八卦運五行土飛于中數轉于極雖敬事迎釐不聞經
見而範圍亭育期助昌時以兩朝親祀而臻百祥也然
以萬物之情上為列星星之運行畢繫于物貴而居者
則必司八歲總萬神幹化權於混沌賦品彙于陰陽與

天地日月誠相參也 宋制二仲祀九宮貴神為大祀

立秋後辰日記靈星秋分享壽星立冬後亥日記司中

司命司人司祿為小祀 真宗咸平四年駕部員外郎

直秘閣杜鎬上言按封禪書天神貴者太一太一佐曰

五帝今以五帝為大祀太一為中祀唐朝元肅二宗並

常親祀會昌中陞次昊天上帝欲望復為大祀從之其

御署祝版禮同社稷增設壇兩壝玉用兩圭有邸其橐

秭加茵褥如幣色 景德三年知樞密院事王欽若言

陛下光闡鴻猷並秩羣祀而蕭鄉之祭獨略壽星搢紳之譚皆謂闕典加以周伯星出實居角宿之間天既垂休禮罔不荅伏望特詔禮官俾崇祀事詔有司詳定以秋分日享壽星及角亢七宿為壇南郊其祭器祀禮咸以靈星為準奏可 慶歷四年靈臺郎王大明言司天監定亢池主渡水往來送迎之事北河為胡門北戒南河為越門南戒主司空掌水土功事皆不主江淮濟箕計奎三星顯注津瀆太明所遺請與東井天津天江咸

池積水天淵天潢水位水府四瀆九坎天船王良羅堰
等十七星在天河內者當祠二月詔汴口祭河蕪祠十
七星 慶歷中修大火祠在南京三月九日祠之位版
以黑漆朱書曰大火位配位曰閼伯位 神宗熙寧四
年司天中官正周琮言太一經推算七年甲寅歲太一
陽九六之數復元之初請崇建宮宇迎五福太一于京
師 元豐四年郊廟奉祀禮文所言國朝時令秋分饗
壽星于南郊熙寧祀儀于壇上設壽星一位南向壇下

卯階之南設角亢氐房心尾箕七位東向按爾雅壽星
角亢也說者曰數起角亢列宿之長故曰壽星非此所
謂秋分所享之壽星也又按晉天文志老人一星在弧
南一曰南極見則治平主壽昌常以秋分候之南郊後
漢于南郊立老人星廟以仲秋祀則壽星謂老人星矣
請依後漢于壇上設壽星一位祀老人星其壇下東方
七宿不宜復設從之 政和六年太常博士何洵直言
熙寧祀春秋仲月祀九宮貴神當與社稷比為大祠祝

版依會昌故事開寶禮書御名 元世祖至正十七年

祭斗二十年祀太一二十七年司天臺祭熒惑二十八

年置醮祠星三日三十一年成宗即位祭火土等星 文宗

至順二年建五福太一宮于京城乾隅敕每歲四祭

明洪武戊辰增修壇壝于大祀殿以祀星辰

祭星二

原散食

爾雅祭星曰布注
布散食于地上

祠牛

漢書高祖詔郡國立
靈星祠祠以牛注農

祥也 增象功見前 應禮通考漢成帝時匡衡奏罷雍舊
祠二百三所惟山川諸星十五

所為應

原祈天宗

月孟冬天子乃祈來年於天宗

禋六宗

虞書禋于

六宗疏四時也寒暑也日也月也星辰也水旱也

增老人廟

心星廟

俱見星一

兆四類

小宗伯兆五帝于四郊四類亦如之注

掌

三辰

通考凡以神仕者掌三辰之法

千秋節

唐書開元二十四年敕曰宜令有司特置壽星

壇常以千秋節日修其祠典

九宮神

通考天寶三載術士蘇嘉慶上言請于城東置九宮神壇

每歲四孟月祭尊為九宮貴神

司天臺

元史世祖至元五年敕二分二至及聖誕節日祭星于司

天雲僊臺

元成宗即位祭微星于雲僊臺

祝參辰

見前

祭角亢

唐開

元中敕壽星壇宜祭老人星及角亢七宿

開元敕

開元禮

俱見前

原幽

崇以祭

幽崇祭星壇名

圭璧以祀

見前

晉侯卜崇

左傳晉侯有疾卜曰

實沈為崇于產曰實沈參神也此不及君日月星辰之神則雪霜風雨之不時于是乎崇之若君之身則出入

飲食之事星辰之神又何為也注參星也

漢高立祠

詳祠牛注

增幣以方色

唐禮樂注神農之幣以赤伊耆以黑五星以方色

壺寶昔酒

以壺尊二寶昔酒以祀農星

置壽星壇

見前

在祀帝壇

唐禮樂志冬至祀昊天上帝于圜丘以高祖神堯皇帝

帝配東方青帝南方赤帝中央黃帝西方白帝北方黑帝及大明夜明在壇之第一等天皇大帝北辰北斗天一太一紫微五帝座並差在行位前餘內官諸座及五星十二辰河漢四十九座在第二等十有二陛之間中官市垣帝座七公日星帝席大角攝提太微五帝太子明堂軒轅三台五車諸王月星織女建星天紀十七座

及二十八宿差在前列其餘中官一百十二座皆在第三等十二階之間外官一百五在內隨之外已上在大

明壇

從祀星辰

長編宋太祖南郊司天監定從祀星辰圖上之

猶位子男

通考

唐文宗太和二年監察御史舒元興奏九宮祝版御署稱臣伏以九宮位于天地猶子男也陛下為天子豈可

反臣于天之子男耶乞令有司詳議正此誤典

祠十七星

見前

建長生宮

宋史

徽宗崇寧元年詔建長生宮于洞真宮舊址以祠熒惑

原商丘祀大火

陶唐氏火正閼

伯居商丘相土因之故商主大火注商丘宋星也相土代閼伯之後居商丘以祠大火

靈星配

南郊

晉書江左以來不立七祠靈星則配南郊不特置也

增降德音於天下

宋史

天聖六年中太乙宮成命宰相王安石為奉安太乙使樞院副使吳充龍圖閣學士孫固等為前導官主管鹵

簿奉安神像降
德音于天下

祭貴人於東郊

金史金宣宗興定元年七月以久旱祭九

宮貴人
于東郊


祭星三

增賦唐周鈴南郊享壽星賦曰精誠斯感肝鬢潛交矚
神靈分心馳箕斗奠椒漿兮酌滿陶匏事異乞言殊養
老于東序祭惟合禮同祀月于西郊象在角亢壇當戊
己月皎皎而清漢波流夜蕭蕭而白榆風起齋心常潔
蘋蘩之薦已申壽域光開龜鶴之年可俟

增詩明李楨駕幸朝天宮祭星詩曰上帝蕭臺衛百靈
儲皇拂曙醮羣星清都秘籙開雲篆白晝神雷擲火鈴
增歌漢郊祀景星歌曰空桑琴瑟結信成四興遞代八
風生殷殷鐘石羽籥鳴河龍供鯉醇犧牲百末旨酒布
蘭生泰尊柘漿析朝醑微感心攸通修名周流常羊思
所并穰穰復正直往甯馮鳩切和疏寫平上天布施后
土成穰穰豐年四時榮

增制唐孫逖天寶三載親祭九宮壇大赦天下制曰勵

精為理三紀于茲上荷宗廟延祥克開厥後下賴股肱
叶德以致邕熙而麟鳳龜龍近遊郊數蠻夷戎狄遠輸
琛賁乘時年之休運恢皇王之遠圖是以圓丘方澤之
儀昇中告類之禮靡典不舉靡神不懷恭惟九宮明祀
尚闕載深兢惕用建靈壇爰以元辰親執奠獻叶青陽
發生之慶祈黔庶吉祐之福



御定淵鑑類函卷一百六十六

欽定四庫全書

子部

御定淵鑑類函卷一百六十七

詳校官內閣學士臣莊圖

主事臣祁韻士覆勘

總校官檢討臣何思鈞

校對官中書臣高中

謄錄監生臣陳觀龍

欽定四庫全書

御定淵鑑類函卷一百六十七

禮儀部十四

方丘 社稷

方丘一

廣通典曰王者父天母地故庖犧氏俯而觀法焉顓頊

乃命火正黎司地以屬人

火當為北北陰位正長也司主也屬會也所以會聚羣神

有使序夏以五月祭地祇殷以六月祭周制大司樂云夏

日至禮地祇于澤中之方丘

地祇主崑崙也必於澤中者所謂因下以事地其

丘在國之北

就陰位

禮神之玉以黃琮

琮八方象地

牲用黃犢

幣用黃繒王及尸同服大裘

祭地之服無文崔靈恩賈公彥孔穎達皆云與祭天

同今按郊特牲器用陶匏以象天地之性是同器也王制天地之牛角繭栗是同牲也又鈞命浚地配以后稷又配祭同也此類頗多凡履職功配以后稷孝經郊祀齊熙振德一高質之義安有二哉

后稷以配天地祭天南郊就陽位祭地北郊就陰位后稷為天地主文王為五帝宗

夏日至于澤

中之方丘奏樂八變則地祇皆出可得而禮矣

先奏樂以致其

神禮之以玉乃後合樂而祭焉凡祭天地宗廟之樂無商者尚柔商堅剛也

其神州地祇謂

王者所卜居吉土五千里之內地名也

先儒引禹受地統書崑崙東南

地方五千里名曰神州是也按皇地祇鄭康成以為崑崙即是土地高著之稱既舉最高為稱是知四和之地

皆及之至于神州但方五千里而已故不云丘而言郊也玉用兩珪五寸有邸倂而

也所謂祠北牲用黝犢地官牧人陰祀用黝牲注謂祭地北郊幣用黑繒

幣色無文按崑崙牲幣用黑色則神不宜異也其壇于北郊築土為壇名曰太

折祭法瘞埋于太折祭地也注折炤晰昭明之名配以后稷備五齊若神州則醴齊而下

四七獻本擬大恰九獻以王及尸服齋戒乘路酒尊薦

俎醯之器藉神席橐結蒲越及雞人呼晨司樂宿懸掌

次設次大宗伯攝亞獻並如圓丘其日王服大裘立于

方丘東南西面乃奏函鍾為宮以下之樂以致其神訖

王又親牽牲取血并玉瘞之以求神謂之二始

祭天地之

丘方丘備此二始謂圓丘之先奏圓鍾為宮之樂次燎牲及玉幣也方丘則先奏函鍾為宮之樂次則燎埋血及玉幣二者在正

祭之前故云二始

尸前既置玉幣等訖次則王以匏片

為爵酌泛齊以獻尸謂之朝踐次大宗伯亦以匏爵酌

醴齊攝王后之獻凡二獻也次薦熟于神座前畢王更

酌盎齊以獻尸大宗伯以醢齊亞之所謂饋食之獻凡

四獻也尸食訖王更酌朝踐之泛齊以醕尸所謂朝獻

大宗伯酌饋食之醴齊以亞之所謂再獻凡六獻也次諸臣為賓酌沈齊以獻尸凡七也王每獻酒皆作樂一終漢高定天下後詔御史置祠祀官女巫巫其梁巫主祠天地武帝即位曰朕親郊而后土無配則禮不答也

於是東幸汾陰汾陰男子公孫滂洋等見汾旁有光如絳遂立后土祠于汾陰睢上澤中為五壇壇一黃犢以

高帝配牢具已祠盡瘞而從祠者衣尚黃始用樂舞帝

親望拜如上帝禮

從寬舒等議

至宣帝脩武帝故事間歲正

月一幸河東祠后土成帝建始初徙河東后土於長安

北郊

時丞相匡衡奏言祭地于北郊即陰之象也故天之于天子也因其所都而各饗焉今祀后土反東

徙之少陽宜元始五年王莽奏復南北郊如故莽又請正

月上辛若丁天子親合祀天地于南郊以高帝高后配

日冬至使有司奉祠南郊高帝配日夏至使有司奉祭

北郊以高后配奏可後漢光武中元二年營北郊祀地

祇在雒陽城北四里遷呂太后于園上薄太后尊號曰

高后以配地祇正月辛未別祀地祇位南面西上高皇

后配西面北上皆在壇上地理羣神從食皆在壇下明

帝永平二年正月上丁祀南郊畢次北郊昭烈即位營

北郊于成都 魏明帝景初元年詔祀方丘所祭曰皇

后以舜妃伊耆氏配北郊所祭以武宣皇后配

時高堂隆上表

古來娥英姜嫄盛德之妃未有配食于郊者也漢文初祭地祇于渭陽以高帝配孝武立后土于汾陰亦以高帝配王莽引周禮享先妣為配北郊夏至以高后配地自此始也臣謂宜依古典以武皇配天地也魚豢議曰宜以宣后配地

晉武帝受禪後泰始二年定郊祀地郊先后

配是年并圓方二丘于南北郊更修壇兆其二至之祀

合於二郊

時從有司議古者郊丘不異

十一月庚寅帝親祠於南郊

自後方澤不別立東晉元帝太興二年北郊未立地祇

共在天郊明帝太寧三年七月始詔立北郊成帝咸和

八年于覆舟山南立地郊以宣穆張皇后配五岳四望

四海四瀆五湖諸山江等凡四十四神及諸小山從祀

此依魏氏故事非晉舊也

康帝建元元年正月辛巳祀北郊帝皆親

奉牲用元

時將北郊太常顧和表後漢光武正月辛未始建北郊此則與南郊同月于是從和議郊

廟牲幣璧玉之色雖有成文秦代多以駟駒漢則但云犢未辨其色江左南北同用元牲

宋武帝

永初二年親南北郊孝武帝大明三年移北郊于鍾山

北原道西與南郊相對後還舊處

初晉始置于覆舟山南至北移之廢帝以

舊地吉祥復之

齊高帝受禪建元二年正月次辛祀北郊犧

牲之色因舊不改

從王儉議

而無配武帝永明五年議郊祀

用正月次辛瘞后土車服之議率遵漢制出以法駕袞

冕

用次辛之義詳郊天

梁武帝制北郊為壇于國北常與南郊

間歲正月上辛祀后土于壇上以德后配禮以黃琮五

官先農五岳及國內山川皆從祀地攢題曰后地座用

上和香

以地于人親宜加雜馥

省除四望座

博士明山賓議北郊有岳鎮海瀆之座而

又有四望座疑為重遂省四望座也

松江浙江五湖鍾山白石山並留之

如故帝行一獻之禮

陳武帝受禪亦以間歲正月上

辛用特牛一祀于北郊以皇妣昭后配及文帝天嘉中

改以德皇帝配宣帝即位以郊壇卑下更增廣之後

魏道武即帝位二年癸亥瘞地于北郊以神元竇皇后

配壇兆制同南郊其後夏至祭地于方澤用牲幣之屬

與二郊同北齊制三年一祭以夏日至禘崑崙皇地

祇于方澤以武德皇后配為壇在國北郊禮以黃琮東

帛神州社稷天下山水並從祀用牲十二犧同圓丘

後周祭后土地祇于國北郊六里為壇以神農配牲以

其方之色神州壇在其右以獻侯莫那配焉

莫那則周文帝之遠

祖自陰山南徙始居遼西

隋因周制夏日至祭皇地祇于宮城北

郊十四里為方壇以太祖武元配神州迎州冀州戎州

拾州柱州營州咸州揚州其九州山川林澤丘陵墳衍

原隰皆從祀

地祇及配帝在壇上神州九州神座於壇第二等八陸之間神州東南方迎州南方

冀州戎州西南方拾州西方柱州西北方營州北方威
州東北方揚州東方九州山海以下各依方面八陸之
間惟冀州山林川澤丘
陵墳衍于壇之南少西 孟冬祭神州于北郊亦以太祖

武元配煬帝大業元年孟冬祀神州改以高祖文帝配

唐制夏日至祭皇地祇于宮城之北郊十四里為方

丘壇因隋制以景帝配神州五方岳鎮海瀆山川林澤

丘陵墳衍原隰皆從祀孟冬祭神州于北郊景帝配貞

觀中奉高祖配地郊永徽中廢神州之祀乾封初又詔

依舊祀神州

皇地祇壇依舊
于渭水北置

二年詔以高祖太武皇帝

崇配方丘等祀太極元年正月初將有事于南郊有司
議惟祭昊天上帝續議請設皇地祇位開元二十一年
夏日至祀皇地祇于方丘以高祖配立冬祭神州于北
郊以太宗配其議備開元禮 增唐書曰武德中冬至

及孟夏祭皇地祇于方丘 玉海曰唐高宗已封禪復
詔以正月祭北郊博士蕭子儒等共白北郊月不經見
漢光武五月建北郊咸和中議北郊以正月武德以來
用十月請循武德詔書明年詔方丘神州宜奉高祖太

宗配 文獻通考曰開元十二年祠后土于汾陰睢上

山堂肆考曰唐永泰二年杜鴻漸奏夏至祀皇地祇
請以太祖景皇帝配享 通考曰宋初因唐制夏至祭

皇地祇于方丘孟冬祭神州于北郊天子親祭天于南
郊則并設皇地祇位以四祖迭配 真宗景德四年正

月遣工部尚書王化基詣汾陰后土祠致祭用太祖禮
大中祥符三年九月經度制置使詣睢上築壇如方

丘之制 四年正月丁酉備鑾駕出京師二月丙辰至

奉祇宮戊午致齋召近臣登延慶亭南望仙掌北瞰龍
門自宮至睢丘列植嘉樹六師環宿行闕旌旂轡幕照
耀郊次眺覽久之己未遣入內都知鄧永遷詣祠上衣
服供具庚申羣臣宿祠所辛酉具法駕詣睢壇夾路設
燎火其光如晝盤道紆屈周以黃麾仗至壇次服袞冕
登壇祀后土地祇備三獻奉天書于神座之左以太祖
太宗並配悉如封禪之禮 神宗元豐元年樞密院直
學士陳襄上言合祀天地于園丘為非禮請依古禮祭

地于方澤詔禮院集議至六年尚書禮部言太常寺脩定郊祀之歲夏至皇帝親祭皇地祇于北郊方丘及上公攝事儀詔親祀北郊盡如南郊儀其上公攝事惟改樂舞不及備官其俎豆樂架圭幣之數史官奉祝冊並如親祀陳薦言議者謂方丘之祀盛夏不躬行宜選冢宰攝事亦恐未必合古遂詔親祀北郊並依南郊儀如不親祀上公攝事 哲宗元祐五年詔儒臣明正祀典中書舍人孔武仲請以孟冬純陰之月詣北郊親祠如

神州地祇之祭杜純議請南郊之歲設望祠位于苑中
置權火夏至命上公攝事每獻舉權火 七年帝初郊
合祭地祇于園丘 元符二年禮部員外郎陳暘奏神
宗皇帝嘗詔禮官討論北郊祀典位崑崙于方丘第一
成之西北位神州于第一成之東南而其上設地祇位
焉崑崙神州之說雖出不經然古人有其舉之莫敢廢
也特降于從事之列耳欲望明推神考詔旨列崑崙神
州于從事之位 徽宗政和三年詔自今每遇冬大禮

後一歲夏至祭地于方澤其儀物儀衛應奉行事悉從簡省 四年夏至日帝始親祭地于方澤以太祖皇帝配禮成帝親製二表遣觀文殿學士鄧洵武告于永泰陵詔以其日為景貺節 高宗紹興元年禮部太常寺討論夏至日致祭皇地祇以太祖皇帝配立冬祭神州地祇以太宗皇帝配于天慶觀望祭 二年禮官言國朝祀皇地祇設位于壇之北方南向政和四年禮局議設于南方北向令北面望祭北向為難且于經無據請

仍南向從之 續文獻通考曰元世祖時每歲遣使代

祀后土至元五年嘗建后土于太寧宮十二年又立后

土祠于平陽之監湯 文宗至順二年遣秘書少監王

珪代祀后土 明太祖建方丘于鍾山之陰分祀后土

二年夏至祭皇地祇于方丘十年上以分祀天地有所

未安遂定議合祀即園丘之舊址為壇而以屋覆之名

曰大祀殿十一年大祀殿成十二年正月合祀天地于

大祀殿 世宗嘉靖初年定祀方澤儀注九年從夏言

疏北方丘于北郊以祀地祭用夏至以五嶽五鎮四海

四瀆陵寢諸山從祀奉太祖配 嘉靖九年建方澤于

安定門外每至夏至祀地

張居正集

方丘二

原爾雅祭地曰瘞埋 廣雅方澤大圻祭地 大宗伯

以玉作六器禮天地四方以蒼璧禮天以黃琮禮地

大司樂乃奏太簇歌應鐘舞咸池以祭地祇于北郊

典瑞兩圭有邸以祀地旅四望

鄭注兩圭者以象地數二也

增周

官大司樂靈鼓靈鼗孤竹之管空桑之琴瑟咸池之舞

夏日至于澤中之方丘奏之 禮記外傳曰夏日至祀

皇地祇于方澤配以后土

地祇方丘也謂祭崑崙山之神也地之正祭歲有二此一

祭也立冬之日祭神州地祇于北郊配以后稷此周制也原

漢書曰武帝元封四年帝幸河東春三月祠后土詔曰

朕躬祭后土地祇見光集于靈壇一夜三燭

師古曰燭謂照也

又云元封六年三月行幸河東祠后土詔曰朕禮首

山昆田出珍物化為黃金祭后土神光三燭其赦汾陰

殊死以下賜天下貧民布人一匹 漢舊儀曰漢法三

歲一祭地于河東汾陰后土宮以夏至日祭地地神出

又曰祭地河東汾陰后土宮宮曲入河古之祭地澤

中方丘也禮儀如祭天 增漢郊祀志曰瘞地于北郊

即陰之象也 後漢祭祀志曰立冬之日迎冬于北郊

祭元冥車旗服飾皆黑注北郊去邑六里因水數也

文獻通考曰祭地于北郊而澤之方丘者北郊之丘也

丘方而下所以象地此所謂為下必因川澤也 陳襄

變以祭地祇 八編類纂曰配地之神周禮無文鄭元以孝經緯云后稷為天地主則后稷配天南郊亦當配地北郊矣其說無據至漢平帝用王莽之說以呂太后配光武時改薄太后為高皇后以配後魏道武以神元竇后配則愈不經矣隋始改用太祖武元皇帝配唐高祖時以景皇帝配貞觀中以高祖配宋初以四祖迭配皇地祇太宗時以宣祖太祖更配其後惟以太祖配明

洪武三年五月親祀北郊奉仁祖淳皇帝配 三代祭地之禮見于經傳者夏以五月商以六月周人以夏至日禮之于澤中方丘曰地祇曰后土曰社皆祭地也自鄭康成惑于緯書而謂夏至於方丘之上祭崑崙之祇十月於泰折之壇祭神州之祇拆一事為二事後世宗之自漢武用祠官寬舒議立后土祠于汾陰脍上禮如祀天而後世又宗之于北郊之外仍祠后土元始間王莽奏罷甘泉泰畤復長安南北郊以正月上辛若丁天

義由漢歷唐親祀北郊者惟魏文帝之太和周武帝之建德隋高祖之開皇唐元宗之開元四祭而已宋元豐中議專祀北郊故政和中專祭者凡四南渡以後則惟行攝祀而已元皇慶間議夏至專祭地未及施行明以夏至日親祀皇地祇于方丘

方丘三

增賦唐張餘慶祠后土賦曰致虔誠揀吉日甸師清野

宗伯奉秩端旒垂綬左輔右弼修五禮之大道酌千靈
之故實綵幣藻耀層壇嶠嶭黃琮展前以備陳白茅有
藉而間出玄酒式降以尚本瑞珪不琢而貴質繁纓藻
帶燦爛于祭容孤竹雲和鏗鏘于聲律鬱人獻爵司干
授器據青野之雕阜肅黃祇之神位鼎氣歆雲神光燭
地薰風偃草以浹洽遲景暄空而明媚

原詩梁傳昭恭職北郊詩曰皇猷屬穹昊至德通深淵
裡望泂禮舉咸秩資化宣端職恭瘞祀飭躬奉嚴蠲淑

氣符首節光風臨上年 周王褒從駕北郊詩曰惟皇
敬明祀望拜出河東地靈開複道營星發紫宮衡街響
清蹕偵候起相風森沈羽林騎肅穆虎賁弓

原歌晉傅休奕饗神歌曰結方丘祇國琛尊既享俎既
歆斂檢玉具鑒金懋百福底自古錫萬壽迄在今 周

庚信方澤降神歌曰報功陰澤展禮玄郊平琮鎮瑞方
鼎升庖調歌孫竹縮酒江茅聲揚鐘鼓器用陶匏列燿
秀華凝芳都荔川澤茂祉丘陵容裔雲飾山壘蘭浮沈

齊日至之禮歆茲大祭 增隋牛弘方丘歌曰道惟生
育器乃包藏報功稱範殷薦有常六瑚已饋五齊流香
貴誠尚質敬洽義章 奠既徹獻已周竦靈駕逝遠遊
洞四極匝九縣慶方流祉恒遍埋玉氣掩牲芬晰神理
顯國文 唐貞觀方丘樂章曰柔而能方直而能敬厚
載以德大亨以正有滌斯牲有馨斯盛介茲景福祚我
休慶 睿宗祭方丘樂章曰坤元至德品物資生神凝
博厚道協高明列鎮五嶽環流四瀛于何不載萬寶斯

成樂脩金石禮光尊俎大享爰終洪休是舉雨零感
節雲飛應序纓紱載辭皇靈具舉 明皇禪社首山祭

地祇樂章曰肅我成命於昭黃祇裘冕而祀陟降在斯
五聲克備八音聿施緝熙肆靖厥心匪離 穆穆天子

告成岱宗大裘如濡執珽有顒樂以平志禮以和容上

帝臨我云胡肅邕 宋建隆祀皇地祇樂章曰於昭祀

典致享坤儀備物咸秩柔祇格思功宣敏樹日益鴻禧
持載品彙率土攸宜 金祀方丘樂章曰蕩蕩坤德物

無不載柔順利貞含弘光大遷豆既陳金石斯在四海
永寧福祿攸介 卓彼嘉壇奠玉方澤百辟祇肅八音
純繹祀事孔明柔祇感格 明太祖祭方丘樂章曰地
有四維大宗以方土有正色制帛以黃敬存于中是薦
是將 奉時純牲牲用童犢烹飪既嚴俎豆惟東升壇
昭薦神光下燭

增制唐祠后土制曰朕以眇身恭荷丕構幸乾坤交泰
宗社降靈氣無疵癘之災物遂生成之性呼韓慕化侍

子趨庭月支請職名王入貢大荒同軌瀛海無波故以
歲首肅事裡宗爰撰令辰親祀方澤採黃圖之舊制定
累朝之前基神地取則于禮經宥密同規于詩頌三祖
登配羣望畢從咸池之舞在列合鐘之管斯陳祥風入
候當乎八變之殷瑞日揚暉屬乎三獻之始臣工助而
胥悅兆庶觀而相趨精誠克申感慶交集頃緣郊籍已
肆肯灾但精享云闕既曠代而方修福釐所被思寰宇
之同休宜因大典式暢洪恩

增文唐祠后土睢上文曰恭惟坤元道昭品物廣大茂
育暢于生成庶洪休和惠及黎獻博厚之位粵在太陰
肅恭時巡用昭舊典謹以琮幣犧牲粢盛庶品備茲瘞
禮式展誠懿

社稷一

原通典曰顓頊祀共工氏子勾龍為社烈山氏子柱為
稷高辛氏唐虞夏皆因之殷湯為旱遷柱而以周棄代
之周制天子立三社祭法云王為羣姓立社曰太社羣衆

也為百官及於庫門內之西立之庫門內雉門外也王自為立

社曰王社于藉田立之按詩周頌春藉田而祈社稷既因藉田遂以祈社則是藉田中

立之王親藉田所以供亡國之社曰亳社廟門之外立

之春秋哀公四年亳社災穀梁傳為廟屏滅諸侯立三社祭法云諸侯為百

姓立社曰國社亦為百官萬人所置于臯門之西立之按諸侯三門外曰臯

次曰應自為立社曰侯社亦于藉田中立之祭義諸侯國亦有藉

田故亳社亳社立處蓋與天子同按春秋亳社災注云亳社殷社諸侯有之所以戒亡國大夫

以下立一社祭法云大夫以下成羣立社曰置社大夫不得

特立社與人族合居百家以上則共立一社今時里社是也

但立名雖異其神則同

皆以勾龍配之社者五土之神

五土謂若地官司徒職云山林川澤丘陵墳衍

原隰等各有所育羣生賴之故于土生物處別立其名為社援神契社者土地之神能生五穀

稷者於

五土之中特指原隰之祇

以五土雖各有所生而山林川澤丘陵墳衍此四者雜出

材用等物于五穀之功則少且生人所急者食故于五土之中別旌異原隰之祇以報之以其能生五穀名其神但五穀不可遍言以稷為五穀之長春生秋成最得中和之氣故取以名其神表言其處能生稷也非謂止祭其穀粒故援神契云社者土地之主
社壇在東稷壇

在西俱北面壇築牆開四面門

社稷陰神皆以北面為尊地道尚右故稷在西

也北面有牆
答陰之義

天子之社則以五色土各依方色為壇廣

五丈諸侯則但用當方之色為壇皆立樹以表其處又

別為主以象其神

禮記大傳牧野之事既事而退柴于上帝祈于社又尚書甘誓不用命戮

于社則天子諸侯軍行皆載社主也其主鄭注云用石為之以石為土類故也大夫以下但各

以地所宜之木而立之

司徒職設其社稷之壇而樹之田主各以其野所宜之木遂以

名其

禮神之玉蓋用兩珪有邸

典瑞兩珪有邸以祀四望崔靈恩云社稷同四

望其玉蓋同也以珪銳首象土生物

其牲王制云天子祭社稷皆太牢諸

侯祭社稷皆少牢黝色

地官牧人陰祀用黝牲鄭注陰祀謂祭地北郊及社稷也但社

稷各牢不同牲也故云皆也

用黑幣按牲幣同色

日用甲郊特牲日用甲日之始也周初

未制禮之時日猶用戊故祭日之晨王及尸皆服絺冕

司服祭社稷五祀則絺冕知樂則大司樂云奏大簇歌

應鍾舞咸池以祭地祇大簇陽聲第二者應鍾為合地祇謂神州社稷也用三

獻禮器三獻文鄭注謂祭社稷五祀也其禮取血先瘞于所祭之處以為

祭始次則禮神以玉時尸前薦燔肉及脯醢籩豆郊特牲三

獻燔王則酌大罍中酒以獻尸大罍所謂朝踐之獻是為

一獻也至薦熟時宗伯亦攝后酌以亞獻所謂再獻每獻

酒奏太簇
等樂一終

尸食訖賓長酌醕尸謂之三獻天子太社必

受霜露風雨以達天地之氣故喪國之社屋之不受天

陽也亳社北牖使陰明也

絕其陽通其陰而已亳殷之社殷都亳也春秋公羊傳亡

國之社掩其上柴其下

亳社有所祈求禱祠則祭之以刑官為之

尸喪祝掌其禮

秋官士師職若祭勝國之社則為之尸鄭注刑官為尸略之也春官喪祝職掌

勝國邑之社稷祝號以祭祝禱祠焉

漢高帝初起禱豐枌榆社

枌白榆社在豐

東北十五里或曰枌榆鄉名高帝里社

二年東擊項籍還入關因命縣為

公社後四年天下定詔御史令豐謹理枌榆社其後又

令縣常以春三月及臘祠后稷以羊彘人里各自裁以

祠隨豐儉也平帝時王莽奏帝王建立社稷百王不易漢興

禮儀稍定已有官社遂于官社後立官稷以后稷配食

官稷高帝除秦社稷立漢社稷禮所謂大社也時又立官社配以夏禹而未立官稷至此始立之稷

種穀樹楮樹也其子類穀徐州牧歲貢五色土一斗後漢光

武建武二年立太社稷于洛陽在宗廟之右周禮社稷在右宗廟

在左鄭注周代文尚尊尊故在右也公羊魯桓公三年取郕大鼎納于太廟何休注質家右宗廟尚親親文家

右社稷尚尊尊皆方壇無屋有牆門而已必受霜露風雨二月八月及

臘一歲三祠皆太牢具使有司祠

漢儀使者監祠南面立不拜

郡縣

皆置太守令長侍祠牲用羊豕惟州所理有社無稷以其使官也 魏自漢後但太社有稷官社無稷故常二

社一稷也至明帝景初中立帝社明帝祭社但稱皇帝

王肅議太尉等祭祀但稱名不稱臣每有事須告皆違祝史

晉武帝太康九年詔

曰社實一神其併社之祀 東晉元帝建武元年又依

洛京立二社一稷 宋仍晉舊無所改作 齊武帝永

明十一年何佟之議其神一位北向稷東向齋宮社壇

東北南向立以西為上諸執事西向立以南為上稷名

太稷 梁社稷在太廟西天監四年以太常省牲太常

丞牽牲太祝令贊牲至大同初又加官稷并前為五壇

陳依梁而帝社以三牲首餘以骨體薦粢盛為六飯

稷以敦

對音

稻以年黃粱以簋白粱以簋黍以瑚粢以璉

其儀本
之齊制

後魏天興二年置太社太稷帝社于宗廟之

右為方壇四陞以二月八月日用戊皆太牢勾龍配社

周棄配稷皆有司侍祠 北齊立太社帝社太稷三壇

于國右每仲春仲秋元辰及臘各以一太牢祭焉皇帝

親祭則司農卿省牲進熟司空亞獻司農終獻 後周

立社稷于左帝親祠則冢宰亞獻宗伯終獻 隋文帝

開皇初建社稷並列于含光門之右仲春仲秋吉戊各

以一太牢祭牲色用黑孟冬下亥又臘祭之郡縣二仲

月並以少牢祭百姓亦各為社 增隋書曰大業七年

征遼東煬帝遣諸將于薊城南桑乾河上築社稷二壇

設方壇行宜社禮帝齋於臨朔宮懷荒殿預告官及侍

從各齋于其所 原唐社稷亦于含光門內之右仲春

仲秋二時戊日祭太社太稷社以勾龍配稷以后稷配

增唐六典曰仲春上戊祭太社以后土配祭太稷以

后稷配仲秋之月及臘日亦如之 通考曰睿宗神龍

元年改先農壇為帝社壇于大壇西立帝稷壇禮同太

社太稷其壇不備方色異于太社 宋史曰京師春秋

二仲月及臘日祭太社太稷州縣則春秋二祭刺史縣

令初獻上佐縣丞亞獻州博士縣簿尉終獻有故以次

官攝若長吏官職或少即許通攝或別差官代之牲用
少牢致齋三日社以石為主形如鍾長尺方二尺文
獻通考曰真宗景德四年太常禮院言天下祭社稷釋
奠長吏多不親行事及闕三獻之禮甚非為民祈福尊
師設教之意望令禮官申明舊典詔付有司 高宗紹
興元年禮官請歲以春秋二仲及臘前祭太社太稷設
位於天慶觀明年望祭于臨安天寧觀 八年改祀于
惠照齋宮如祀天地之儀 十四年詔築壇壝于觀橋

之東壇成立石主置太社令一員 孝宗淳熙四年命
臨安守臣更立望祭殿及庖室齋廬其儀皆如祭神州
唯設太社太稷位于壇之南方北向后土勾芒氏后稷
氏位于其西東向 金史曰貞元元年閏十二月有司
奏建社稷壇于上京大定七年七月又奏建壇于中都
元史曰至元七年有詔歲祀太社太稷三十年正月
始用御史中丞崔彥言于和義門內為二壇社東稷西
相去約五丈社壇土用青赤白黑四方依方位築之中

間實以常土上以黃土覆之 八編類纂曰明初太社
太稷建于宮城之右異壇同壝洪武三年壇北建祭殿
拜殿以備風雨十年改建闕右同壇同壝先是社主用
石半埋土中稷不用主至是埋石主于壇之正中并稷
更設神牌而丹漆之永樂中京師壇成制如之歲仲春
秋上戊祭太社稷于社稷壇東太社西太稷皆北向配
北后土勾龍氏西向后稷氏東向凡國有大事則祭告
洪武元年以禮官張籌議罷勾龍后稷配配以仁祖西

向一壇合祀後撤仁祖配太祖永樂中京師壇成位設如故仁宗又以成祖配嘉靖九年世宗諭禮官奉太祖成祖配位藏太寢仍以勾龍后稷配嘉靖十年建帝社帝稷壇于豳風亭西以祀焉

社稷二

原孝經緯曰社土地之主也土地闊不可盡敬故封土為社以報功也稷五穀之長也穀衆不可徧祭故立稷神以祭之禮記曰夫聖王之制祭祀也法施于民則

祀之以勞定國則祀之能禦大災則祀之能扞大患則

祀之是故厲山氏之有天下也其子曰農能殖百穀夏

之衰也周棄繼之故祀以為稷共工氏之霸九州也其

子曰后土能平九州故祀以為社 社祭土而主陰氣

也君南向于北墉下荅陰之義也

墉謂之墉北
墉社內地也

社所以

神地之道也地載物天垂象取財于地取法于天是以

尊天而親地也 增禮記外傳曰天子親征則載社主

行有罪者誅之于車前 原尚書曰海岱及淮惟徐州

厥貢惟土五色傳王者封五色土為社建諸侯則割其
方色土與之使立社燾以黃土苴以白茅茅取其潔黃
取王者覆四方也 湯既勝夏欲遷其社不可傳湯承
堯舜禪之後順天應人逆取順守而有慙德故革命創
制改正易服變置社稷以後代無及勾龍者故不可而
止作夏社篇 召誥曰越翼日戊午乃社于新邑牛一
羊一豕一注告社稷用太牢也 尚書亡篇云太社惟
松東社惟柏南社惟檀西社惟栗北社惟槐 周書曰

諸侯受命于周乃建立大社于國中其壇東青土南赤
土西白土北驪土中央燾以黃土將建諸侯鑿取方一
面之土苴以白茅以土封之故曰列土于周也 毛詩

乃立冢土傳曰冢土大社也

以御田祖以祈甘雨

田祖

稷神也

周官曰小宗伯掌建國之神位右社稷左宗廟

大宗伯以血祭祭社稷 封人設王之社壇為畿封而

樹之

注壇謂壇及埴埴

增周禮曰冬官匠人營國左祖右社

面朝後市 州長若以歲時祭祀州社則屬其民而讀

法爾雅曰起大事動大衆必先有事乎社而後出謂之宜社家語孔子曰古之平水土及播植百穀者衆矣惟勾龍兼食于社而棄為稷易代奉之無敢益者明不可與等也原左傳魏獻子問於蔡墨曰社稷五祀誰氏之五官也對曰少皞氏有四叔曰重曰該曰脩曰熙實能金木及水使重為勾芒該為蓐收脩及熙為元冥此其三祀也顓頊氏有子曰黎為祝融共工氏有子曰勾龍為后土此其二祀也后土為社稷田正也有烈

山氏之子曰柱為稷自夏以上祀之周棄亦為稷自商
以來祀之 公羊傳曰日有食之鼓用牲于社求乎陰
之道也以朱絲營社或曰為闇恐人犯之故縈也 論
語曰哀公問社于宰我宰我對曰夏后氏以松殷人以
柏周人以栗 增五經通義曰王社稷藉田中為千畝
報功也文家右社稷左宗廟何文家握地而王地道長
右得事宗廟以有社稷故右之也質家左社稷右宗廟
社皆有壇者飾也有木者土也土生萬物莫善于木

原白虎通曰王者所以有社稷何為天下求福報功也
社稷所以有樹何尊而識之使人望見師敬之所以表
功也 王者諸侯必有柴社者何示有存亡也明為善
者得之惡者失之 淮南子禹勞天下故死而為社周
棄作稼穡死而為稷 漢書曰社者土也宗廟王者所
居稷者百穀之主所以奉宗廟共粢盛人所食以生活
也王者莫不尊重親祭自為之主 樂布以功封俞侯
燕齊之間皆為立社號曰樂公社 周之正月受社牲

之首以出種于帝藉蠶人受社雍祭以沐蠶種上辛乃射里社于帝郊以祈來年之豐 荊州圖記曰鄭縣東百步有縣故城縣南里名伍百村有白榆連理樹異根合條高四丈餘土民奉為社 增漢舊儀曰官大社及大稷一歲各再祀太祝令常以二月八月以一太牢使者監祠南向立不拜 宋書禮志曰晉元帝立二社一稷其太社之祝曰地德普施惠存無疆乃建太社保佑萬邦悠悠四海咸賴嘉祥其帝社之祝曰坤德厚載王

畿是保乃建帝社以神地道明祀惟神景福來造禮左
宗廟右社稷歷代遵之故洛京社稷在廟之右而江左
又然也 唐書曰天寶中升社稷五星為大祀詔曰祭
之為典以陳至敬名或不正自相奪倫況社稷孚祐百
代蒙其福日月照臨五星吐其紀兆庶久殖下土式瞻
既超言象之外湏極尊嚴之體列為中禮頗紊大猷自
今以後社稷及日月五星並升為大祀仍以四時致祭
唐禮志曰神龍元年禮官韋叔夏等奏言經無先農

壇禮記曰王自為立社曰王社先儒以為在藉田也永
徽中猶曰藉田垂拱後乃為先農然則先農與社惟一
神今先農壇請改曰帝社壇以合古王社之義又立帝
稷壇于西如太社太稷而壇不設方色以異于太社也
文獻通考曰社祭土稷祭穀郊丘祭天地天子之禮
也土穀之祭達乎上下故方丘與社皆地祭也而宗伯
序祭有社無示舉社則其禮達乎上下舉示則天子獨
用之鼓人職曰以雷鼓鼓神祀以靈鼓鼓社祭不曰示

祭而曰社祭亦見其禮之達乎上下也大司樂雷鼓雷
鼗以祀天神靈鼓靈鼗以祭地示是則示祭社祭其用
同矣非天子不祭天而天子與庶人皆得祭社尊父親
母之義也 胡寅曰古者祭地于社猶祀天于郊也故
秦誓曰郊社不脩而周公祀于新邑亦先用二牛于郊
後用太牢于社也記曰天子將出類于上帝宜于社又
曰郊所以明天道社所以神地道周禮以禋祀祀昊天
上帝以血祭祭社稷而別無地示之位四圭有邸舞雲

門以祀天神兩圭有邸舞咸池以祀地而別無祭社之說則以郊對社可知矣後世既立社又立北郊失之矣楊復曰禮經天子祭天地諸侯祭社稷祭莫重于天地而社稷其次也胡氏乃合祭地祭社二者而一之何也曰社者五土之神是亦祭地也而有廣狹之不同曰里社則所祭者一里之地而已曰州社則所祭者一州之地而已諸侯有一國其社曰侯社則所祭者一國之地一國之外不及也天子有天下其社曰王社則所祭

者天下之地極其地之所至無界限也故以祭社為祭地惟天子可以言之凡胡氏所引皆天子社也但云後世既立社又立北郊失之矣此則未然有正祭有告祭冬至祭天于南郊順陽時因陽位夏至祭地于北郊順陰時因陰位以類求類故求諸天而天神降求諸地而地示出所謂正祭也匠人營國左祖右社以社與祖對尊而親之若因事而告地則社稷亦可矣記曰天子將出類于上帝宜乎社之類是也說者曰類者依郊祀正

禮而為之也宜者有事乎社求福佑也此所謂告祭也
知祭各有義不可以一說拘則知聖人制禮精微之意
矣 朱子州縣社稷壇說或說稷是丘陵原隰之神或
云穀神穀神較是社是土神又問曰社如何有神曰能
生物便是神也

社稷三

原示本 表功

禮記社所以神道之道也教民美報焉
家祭中雷而國主社稷示本也 下詳

前

封樹 列土

南社

右稷

並詳前

探金

取劍

錄異傳會稽賀瑀曾得疾死三日蘇云吏將上天見官府使人將瑀入曲房中有層架其上有印其中有劔使瑀唯意取之瑀短不及上層取劔以出門下問何得云得劔吏曰得印可以驅禁百神今得劔使君疾愈唯使社公耳後疾愈果有鬼來稱社公云

禹社

棄稷

並詳社二

殷柏

漢汾

上詳社二
下詳社一

春祈

秋報

毛詩序載芟春藉田而祈社稷也良報秋報社稷也

封土

藝樹

上詳社二
人之功吉凶大事豈一家所濟仰惟先王

湛方生盟文廣廈雲構非一

建社之制俯從詩人匍伏之義遂藝樹立壇結誓神明梁下之期猶或亡身況乃啓告靈祇相盟以道德者庶能助周孔之一教

搏鳥

食特

博物志子路與子貢過社社樹有烏子路

搏鳥社神牽率子路子貢說之乃止太公金匱植槐于王路之右起兩社築垣壇祭以酒脯食以犧特尊之

曰社 帔舞 血祭 周禮舞師掌教兵舞帥而舞山川之祭祀教帔舞帥而舞社稷之祭祀教

羽舞帥而舞四方之祭祀教皇舞 報功 助時天子有事

于社報地功也 土發而 周立 魯觀 漢書周興而

社助時也 注土發春分 至今常血食于天下於是高祖令天下立靈 卜稼

星祠以牛也 左傳公如齊觀社非禮也 祈穀 周禮肆師之職社之日涖卜來歲之稼鄭注社祭

土為取財 晉禮志太康中傅咸奏曰祭法王社 太社各有其義天子躬耕以重孝享故自為立社為藉

田而報也國以人為本人以穀為本又為百姓立社而 祈報為事異報 獻功 受脤 獻功于社 左傳 事

殊所以有二也 地 答陰 因地事也 郊 增四門 一壝 朱子州縣

州縣社稷壇
四門同一壇

石主

神樹

文獻通考今山陽裕祠有石主社詳後社正下

齋廳

祀場

文獻通考神宗元豐七年詔諸州社稷壇側建齋廳三楹以備望祭孔帖

張文琮出為建州刺史州尚淫祠不立社稷文琮始建祀場民悅從之

社糕

稷飯東

夢華錄秋社以社糕社酒饋遺月令廣義山東每歲清明仲冬各鄉賣稷飯一器詣城壇祭社稷祭畢盡施

養濟院名曰設穀蓋祝社之遺意

香其

糴酒

上詳陳叔達西園祀社詩月令廣義社

飲糴酒非為止聾其致酒灌勾龍乎

香火

雞豚

彙苑詳註白樂天致仕居香山石樓與香

山僧如滿結香火社自稱香山居士韓愈詩願為同社人雞豚宴春秋

祈年

獻禽

上詳

陳叔達西園祀社詩月令廣義振旅畢大幣獻禽以祭社

佐享

結宗

韓愈云社祭土

稷祭穀勾龍與棄乃其佐享稷

造茶

燒錢

月令廣義

茶之佳者造在社前范成大詩社下燒錢鼓似雷

原通天地

受風雨

上詳二

社一下詳

冒黃土

苴白茅

白虎通天子社廣五丈諸侯半之上冒以黃土下

二詳社

殖百穀

平九土

並詳二

陳俎豆

施金石

禮記

曾子問諸侯之祭社稷俎豆既陳

樂記

別地利

樹田主

先王祀社于國所以別地利也故禮行于社而百貨可極焉設社稷之壇而樹之田主注田

也神增望祀堂

省饌殿

元史祭社稷外壇內北垣下屋七間南望二壇以備風雨

曰望祀堂又祭社稷有省饌殿

五戊日

八變樂

月令廣義立春後五戊日為春

社立秋後五戊日為秋社開元禮太社太稷樂用三變社稷之祀于禮為尊合依地祇用函鍾之均八變之

樂繫蔥蒜停鉞線歲時記社曰小兒以蔥繫竹竿于窓外揭之曰開聰明或又加

蒜欲其能計算也墨莊錄唐宋社日婦人不用鉞線謂之忌作張籍詩今朝社日停鉞線共向朱樓樹下行

首八政秩四時開元禮祭太稷祝文惟神播生百穀首茲八政下詳陳叔達祀社

詩懷歲功祝神釐宋朱子詩田畝懷歲功壺漿祝神釐原天子五

土諸侯三社蔡邕獨斷天子太社以五色土為壇皇太子封為王者受天子之社土以所封

之方色東方受青南方受赤他如其方色苴以白茅授之各以其所封方之色歸國以立社故謂之受茅土漢

興以皇子封為王者得茅土其他功臣及鄉亭他姓公侯各以其戶數租入為限不受茅土亦不立社也周

禮小司徒職凡建邦國立其社稷賈疏諸侯亦有
三社三稷謂國社侯社勝國之社皆有稷配之

邴

原行廉

湯蕤祛瘡

邴原別傳遼東多虎原之邑獨無
虎患原嘗行而得遺錢拾以繫樹

枝此錢既不見取而繫錢者愈多問其故荅者謂之神
樹原惡其由己以成淫祀乃辨之于是里中遂斂其錢
以為社供里中為之語曰邴君行仁邑路無虎邴君行
廉路樹成社列異傳大司馬河內湯蕤字聖卿少時
病瘡過社中有人持書一卷呼蕤曰取此
書去得素書一卷遺祛百鬼無不靈效

鳴有聖人

祀配孝子

春秋潛潭巴云里社鳴百里有聖人其鳴
响百姓歸之宋均注鳴則數令响則鳴之

恕也

甄子然孝行早卒北海相
孔融恨不及見之令配食縣社

為石相立以勾

龍配

石慶為齊相舉國皆慕其家行不言
而大治為立石相社下詳社一

增漢高令

祀龔遂立配

蔡邕獨斷漢高令州縣以春二月及臘祀社稷以羊羖山堂肆考漢龔遂立

官社稷以夏禹配食官社后稷配食官稷

祀徧天下

敬逾齊國

韓愈云自天子

至庶人通得祀而徧天下者惟社稷與孔子焉柳宗元詩敬逾齊國社

社稷四

原制幣

禮記制幣犧齊菜盛庶品注並祭社之物

配食

陸雲為浚儀令去官百姓追思之配

食縣社又宋登字叔陽為汝陰令號神父配食于社

吉戊

吉日惟戊注戊日社也

用甲

郊特牲

增市社

文獻通考市中之社先后所立社也

書社

左傳哀公十五年子貢曰

昔晉人伐衛齊為衛故伐晉冠氏因與衛地自濟以西襁婦杏以南書社五百

擁社

襄公二十五年

鄭子產伐陳入之陳
侯免擁社以待于朝

袞社

定公四年會于召陵衛子
行敬子言于靈公使祝佗

從子魚辭曰軍行被
社釁鼓祝奉以從

松社

文獻通考以松為社者則
為松社之野以別方面

棣社

文獻通考
宋有棣社

千社

左傳昭公二十五年齊侯曰
自莒疆以西請致千社以待

君命
兩社

閔公三年成季之將生也桓公使卜楚丘之
父卜之曰男也其名曰友在公之右間于兩

社為公
室輔

築社

記纂淵海魏大武謂古弼曰吾聞築社
之役蹇蹇而築之端冕而事之神與之

罷社

合璧事類魏王脩母以
社日亡鄰里為之罷社

祭社

韓愈送楊少
尹序古之所

謂鄉先生沒可祭于
社者其在斯人歟

奉社

彙苑詳註晉嵇含云自天
子至於庶人莫不用社漢

卜日丙午魏用丁未晉社則孟月祭以西日
各因其行運不同雖共奉社而莫識所由興

社虎

橫劉

京口記虎社中村故老相傳云有虎于社中產因為名

社狐元稹詩古社基址在人散社不神惟

有空心樹妖狐藏魅人

社正社人開元禮諸里祭社稷前一社正及諸社人各清齋

一日于家治饌于神樹之下又為瘞瘳于神樹之北設社正位于稷座西北十步東西諸社人位于其後

社宮

陳氏禮書後魏太平中大社石主遷于社宮

社圃

左傳隱十一年公祭鍾巫齋于社圃

社羹

月令廣義吳越俗祀社必以羹

社飯

又曰春社以猪肉雜調和鋪飯上饋送名社飯

鳥社

又曰禹塋會稽有羣鳥于春耕則銜去草根啄除蕪穢故為鳥社

蒲社

詳公羊傳

原實陰祇

左傳杜預注社實陰祇稷元帥敬萬類協讚乾坤

非地祇

五經

異義今民謂社神為公社位上公非地祇也

皆太牢

禮王制詳社一

以三牲

孝經

援神契仲春獲禾報社祭
稷以三牲何重功故也

本五祀傳曰社稷五祀之本

實一

神社實一神
詳社稷一

作夏社亡書篇名言夏
之社不可違也

設軍社奉行奉以

增社翁雨

月令廣義社翁社毋不食
宿水故當社時必有雨

社日鼓

唐詩
楓林

社日鼓茅
屋午時雞

新豐社

西京雜記太上皇居深宮悽慘不
樂高祖問知其意乃令匠人胡寬

營新豐移諸故人實之太上乃悅既作
新豐并移舊社衢巷棟宇物色惟舊

德星社

孔帖
崔邸

民即其里
為德星社

清丘社

左傳盟于
清丘之社

白蓮社

粟苑詳註晉
遠法師結白

蓮社以書召陶潛潛曰弟子性嗜酒法師若
許飲即往矣遠因許之遂造焉因勉入社

鼓于社

左傳昭十七年昭子曰日有
食之天子不舉伐鼓于社

戰于稷

左傳昭十年五
月庚辰戰于稷

樂高敗社注稷
祀后稷之處

宜春酒

月令廣義閭里
釀以祭勾芒

治顰酒

雲笈

七蕝飲社
酒治顰

原元日之祀

月令仲春擇元日命
民社注為祀社稷也

土地

之主

禮運命降于社之謂穀池注云謂
教令由社下者也社土地之主也

五穀之長

見前

百穀之主

漢書郊
祀志

配德帝王

見曹植
社頌

託尊田主

見晉張華

朽社賦

春求秋報

白虎通社稷者得陰陽中和之
氣而用尤多故為長也歲再祭

何春求秋

報本反始

郊特牲惟為社事卑出里惟為
社田國人畢作惟社丘乘供粢

盛所以報

門內同先

白虎通社稷在中門外外門之
內何尊而親之與先祖同也不

置中門內何敬

亡國示賤

又曰亡國之社稷必以
為宗廟之屏示賤之也

之示不褻瀆也

地祇饗德

社土貴成

時殷仲春

禮展常秩

增

董龍祭社

月令廣義董龍盤屋人家貧與里人共祀社衆買牲牢龍拱文以祭祭畢分胙衆不平遂

出龍龍造泥飯以祭畢于樹下將焚文有白鼠銜文入地穴掘之獲白金一斗龍不自私率衆首官縣令賢之

奏聞旌表其閭曰義夫里

阮脩伐社

又云阮脩伐社樹人或止之脩曰社而為樹伐樹則社亡

樹而為社伐樹則社移

伏日記社

又云秦紀祀社于伏日

上戊祭稷

又云

上戊日祭先農五穀

全惠養之道

協靈祇之心

戊日為迎

享之辰

陰墉乃展幣之地

原魯侯之視曹劌諫其

非禮

宰我之對宣尼非其失言

社稷五

原賦晉張華朽社賦曰高柏橋南大道傍有古槐樹蓋數百年木也余少居近之後去行路遇之則已朽意有緬然輒為之賦因以言盛衰之理云爾伊茲槐之挺植于京路之東隅得託尊于田主據夾塏以高居垂重陰於道周臨大路之通衢饗春秋之祈報應豐胙于無射歷漢京之康樂踰喪亂之橫逆朱夏當陽翳藹蕭森征夫雲會行旅歸心輜軒停蓋輕輿託陰吉人向風而祛

袂王孫清嘯而啓襟晞甘棠之廣覆徧喬木之無陰
增詩明楊基祀社稷詩曰祝史祝王冊儒臣奉誓詞衣
冠陳盛典秬鬯降洪釐用報金穰瑞仍祈雨露私勾龍
嚴配位神棄祝明祠幣玉趨宗伯笙鏞奏瞽師精靈潛
格爾肸蠁儼來思赤壤新封國元牲舊制儀豈非宜百
穀還得奠邦畿師出常依主君行每告期禮終受多祐
民物正熙熙

原歌隋牛弘春祈社歌曰厚地開靈方壇崇祀達以風

露樹之松梓句萌既申芟柞伊始恭祈粢盛載膺休祉
春祈稷歌曰粒食興教播厥有先尊神致潔報本惟
虔瞻榆秉耒望杏開田方憑戢穀佇詠豐年 增唐太
宗祭大社樂章曰后土凝德神功協契九域底平兩儀
交際戊期應序陰墉展幣靈車少留俯歆尊桂 美報
崇本嚴恭展事受露疏壇承風啓地潔粢登俎醇犧入
饋介福遠流羣生畢遂 祭太社舊樂章曰烈山有子
后土有臣播種百穀濟育兆人春官緝禮宗伯司禋戊

為吉日迎享茲辰 吉祥式就酌功載畢親地尊天禮
文經術貺徵令序福流初日神馭爰歸祠官其出 宋
大觀祀社稷樂章曰惟土之尊民食資焉陰祀昭格牲
牢腥羶有功于民告其吉蠲神之來享雲車翩翩 惟

穀之神函育無窮百嘉蕃植民依厥功嚴飭壇壝威儀
肅雍神之來享祈于登豐 明洪武社稷樂章曰予今
樂舞兮捧觴願神昭格兮軍民康思穆穆兮靈洋洋感
厚恩兮拜祥光 千羽飛旋兮酒三行香煙繚繞兮雲

旌幢予今稽首兮忻且惶神顏悅兮彩霞彰
俎陳微禮兮神喜將琅然絲竹兮樂無揚願祥普降兮遐邇方
烝民率土盡安康 氤氲氤氲兮祥光張龍車鳳輦駕
飛揚遙瞻稽首兮何方民福留兮時雨暘

增表晉傅咸駁改社表曰祭法二社各有其義穀梁傳
曰天子親耕以供粢盛親耕謂自報自為立社者為藉
而報也國以人為本人以穀為命故又為百姓立社而
祈報焉王景侯之論王社亦謂春祈藉田秋而報之也

其論太社則曰王者布下圻內為百姓立之謂之太社
不自立之于京師也祭法大夫以下成羣立社曰置社
景侯解曰今之里社是也而別論復以太社為人間之
社未曉此旨也周禮封人掌設社壇無稷字今帝社無
稷蓋出于此然國主社稷故經傳動稱社稷周禮王祭
稷則絺冕此王社有稷之文也封人設壇之無稷字說
者以為略文從可知也謂宜仍舊立二社而加立帝社
之稷又重論立社表大雅云乃立冢土毛公解曰冢

土大社也景侯解詩即用此說禹貢惟土五色景侯解曰王者取五色土為大社封四方諸侯各割其方色王者覆四方也如此太社復為立京都也不知此論從何而出上違經記明文下壞景侯之解臣雖頑蔽少長學問不能默已謹復續上

增文晉殷仲堪合社文曰里社之由來尚矣今二三宗親思桑梓之遺風遵先聖之明誥絜齊牲牢庶乎自祐以來一日之澤然三人之行必有其師故復選中正立

三老者惟公理以御衆稽舊章以作憲

原頌魏曹植社頌曰於惟太社官名后土是曰勾龍功
著上古德配帝皇實惟靈主克明播植農正日舉尊以
作稷豐年是與義與社同方神北宇建國承家莫不脩
叙 宋何承天社頌曰余以永初三年八月大社聊為
此文實惟陰祇稷為穀先率育萬類協靈昊乾霸德方
將世號共工廠有才子實曰勾龍稱物平賦百姓熙雍
唐堯救災浚河流江棄亦播植作乂萬邦克配二祀以

報勲庸勲庸伊何厚載生民倉廩既實禮節斯行人亦
有言因物思人矧乃大德功被陶鈞豈伊百世萬代不
泯蒸哉帝王肇建皇極體國經野設官分職戕戕二社
列幹比殖歲云其秋晷漏均程牲牢既潔嘉薦惟馨乃
家乃國是奉是尊 增晉王廙春社標頌曰吉辰兮上
戊明靈兮惟社百室兮必集祈祭兮樹下濯卵兮殖韭
齧秣兮擗柞縹醪兮浮蟻交觴兮並坐氣和兮休適心
怡兮志可

原讚晉徐邈社讚曰勾龍平序九壤而託靈后土敷殖
百穀而協饗嘉稷配天地以作範併造化以垂制宇宙
賴其弘贊之勲有生資其日用之惠 增卞敬宗標社
讚曰余門前有一社樹盤根疏柯似非近世所植抗秀
路左流蔭庭宇莊周喻道于商丘之木匠石辨才于曲
轅之櫟由斯而觀固可以悟微矣

原碑後漢蔡邕陳留東昏庫上里社碑曰惟斯庫上里
曰東昏縣者衛地古陽武之戶牖鄉也秦時有池子華

為丞相漢興陳平由此為社下宰隨相高祖尅定天下
為右丞相孝平之世虞延為太尉延熹中平曾孫放為
尚書令宰相繼踵咸出斯里延雖有積德脩身之政亦
斯社所相乃樹碑作頌云

御定淵鑑類函卷一百六十七